



09669

升菴先生文集卷之十



從子

有仁編輯

成都楊慎著

後學趙開美校正
高安陳邦瞻重校
江陽王藩臣
內江蕭如松 全校

跋越絕

或問越絕不著作者姓名何也予曰姓名具在書中覽者第不深考耳予不觀其絕篇之言乎曰以去爲姓得衣乃成厥名有米覆之以庚禹來東征死葬其鄉不直自斥託類自明文屬辭定自於邦賢以口爲姓承之以天楚相屈原與之同名此以隱語見其姓

楊升菴文集

卷之十

一

名也去其衣乃袁字也米覆以庚乃康字也禹葬之鄉則會稽也是乃會稽人袁康也其曰不直自斥託類自明厥旨昭然欲後人知也文屬辭定自于邦賢蓋所共著非康一人也以口承天吳字也屈原同名平字也與康共著此書者乃吳平也不然此言何爲而設乎或曰二人何時人也予曰東漢也何以知之曰東漢之末文人好作隱語黃絹碑其著者也又孔融以漁父屈節水潛匿方云云隱其姓名于離合詩魏伯陽以委時去害與鬼爲隣云云隱其姓名于參同契融與伯陽俱漢末人故文字稍同則茲書之著

爲同時何疑焉問者喜曰二子名微矣得子言乃今
顯之誰謂後世無子雲乎

越絕當作越紐跋雲外之河知古制指稱帝之
越絕一書或以爲子貢作又云子胥皆妄說也而越
絕二字尤非解者曰絕者絕也謂勾踐時也內能約
已外能絕人故曰越絕又曰聖文絕於此辯士絕於
彼故曰越絕二說似夢魘譎語不止齊東野人之類
而已王克論衡按書篇云臨淮袁太伯袁文術會稽
吳君高豈卽其人乎又曰吳君高作越紐錄紐卽絕
字之誤書以紐名猶漢雋之例也絕字曲迂不通而

十年之誤無人證之袁康吳平之姓名著在卷末無
人知之蓋觀書者鹵莽閱未數簡已欠伸思睡而束
之高閣矣余始發其隱然卽其書以證其人以訂其
名非臆說也博古君子必印可而樂聞之乎

跋趙文敏公書巫山詞

巫山十二峰在楚蜀之交余嘗過之行舟迂疾不及
登覽近巫山王尹於峯端幕得趙松雪石刻小詞十
二首以樂府巫山一段雲按之可歌古傳記稱帝之
季女曰瑤姬精蒐化草實爲靈芝宋玉本此以托諷
後世詞人轉加緣飾重葩累藻不越此意余獨愛袁

爲同時何疑焉問者喜曰二子名微矣得子言乃今
顯之誰謂後世無子雲乎

越絕一書或以爲子貢作又云子胥皆妄說也而越
絕二字尤非解者曰絕者絕也謂勾踐時也內能約
已外能絕人故曰越絕又曰聖文絕於此辯士絕於
彼故曰越絕二說似夢魘譎語不止齊東野人之類
而已王克論衡按書篇云臨淮袁太伯袁文術會稽
吳君高豈卽其人乎又曰吳君高作越紐錄紐卽絕
字之誤書以紐名猶漢雋之例也絕字曲迂不通而

十年之誤無人證之袁康吳平之姓名著在卷末無
人知之蓋觀書者鹵莽閱未數簡已欠伸思睡而束
之高閣矣余始發其隱然卽其書以證其人以訂其
名非臆說也博古君子必印可而樂聞之乎

跋趙文敏公書巫山詞

巫山十二峰在楚蜀之交余嘗過之行舟迂疾不及
登覽近巫山王尹於峯端摹得趙松雪石刻小詞十
二首以樂府巫山一段雲按之可歌古傳記稱帝之
季女曰瑤姬精寃化草實爲靈芝宋玉本此以托諷
後世詞人轉加緣飾重葩累藻不越此意余獨愛袁

崧之語謂秀峰疊嶠奇構異形林木蕭森離離蔚蔚
乃在霞氣之表仰矚俯睇不覺忘返自所履歷未始
有也山水有靈亦當警知已于古矣尋此語意使人
神遊八極而爽然自失于擘花温瑩之外欲以袁意
和趙辭以洗茲丘之黷未暇也乃臨松雪墨妙一紙
邀曹太狂作圖藏之行笥爲他日遊仙興端云

今八跋新刻水經

吳中

吳中新刻酈道元水經規制裝潢甚精但誤字苦多
耳誤而相似魯魚帝虎猶可改也所恨爲淺陋妄庸
者以意匠擅加筆削如立碑樹桓本桓楹之桓今乃

楊升菴文集

卷之十

三

妄改爲松栢之栢在人本山名在人已見哀江南賦
今乃改栢爲杜弱年崽子崽子改切楚人謂子曰崽
今不知崽字妄改爲弱年女子熒山刊石妙在熒字
今乃改熒爲焚何異小兒語耶

跋李陽水篆書謙卦爻辭

謙字二十

陽水唐人以小篆著者也其書謙卦爻辭謙字二十
餘多構別體乃以講代謙按說文講多語也从言冉
聲地名有講邯縣汝言切謙敬也苦兼切音義不同
相去千里乃以克乏銜奇徒以此學人所罕習是以
欺人如此豈知千載而下爲識者所勘邪

跋韓石溪所藏九都圖今於卷之十
此圖爲宋宣和院畫無疑卷首題云江山萬里圖而尾題云米元暉筆皆眯目而道玄黃者也米氏父子同一筆法皆崇簡易殊乏精工此圖樓臺城郭浮圖水石綽有唐法恐非虎兒所能企也其二云江山萬里亦非也濱江安得有九都乎此蓋九都賦圖張平子之西都東都南都左太冲之蜀都吳都魏都及徐幹之齊都劉劭之趙都庾闡之揚都也唐人以九都賦爲一卷意必有圖以配之此或其粉本之遺邪中丞南克韓公石溪藏此圖以示慎故輒述所見以印可

楊升菴文集

卷之十

四

于大方之家云

跋吳中新刻世說

古書轉刻轉謬良可惋也近吳中刻世說新語右軍清真妄改作清貴兼有諸人之差改作諸人之美聲鳴轉急改作聲氣轉急少有義學改作少有學義皆失古人之意聊一道之蓋不能盡

跋趙東山春王正月辨

三條

昔趙汭左傳補注辨周正改月之證引據旣博分析又明可爲不刊之論定千古不決之疑獨恨其書不傳故謹錄之然有一條未引今特著之按文選所收

古詩十九首非一人一時之作也其曰玉衡指孟冬
衆星何歷歷白露沾野草時節忽復易秋蟬鳴樹間
玄鳥逝安適此詩文景之世所作也按漢書高祖以
十月至灊上仍以十月爲歲首則所謂孟冬乃建申
之月也故有白露秋蟬之語蓋秦不師古以建亥爲
歲首無謂之極漢制大抵襲秦故首十月非係十月
至灊上也秦之繆妄不足言然因此可考周正改月
之驗何也秦上承周秦以建亥爲歲首而謂之春故
漢代仍之建申之月謂之孟冬矣周人以子月爲春
從可知矣至漢武帝始用夏正以寅月爲首故其詩

云孟冬寒氣至朔風何慘慄此孟冬亥月也故有北
風慘慄之語武帝以後之詩可知詩可以觀詎不信夫

又

周人之改月無可疑者後世之疑者獨謂詩之豳風
用夏正及四月維夏六月徂暑致疑爾趙東山謂詩
乃歌謠又多言民事或用夏正以便文通俗是也
然未盡事情也如今之制官府文書官職稱當時之
名而詩文中稱吏部爲冢宰知府爲太守又地理之
名稱四川爲蜀陝西爲秦此最明證可知者故不厭
博引傍喻也

唐儲光義詩夏王紀冬令殷人乃正月此亦可證蓋
周人改月之說唐人不能而自了然而或以爲改或
以爲不改起于宋人紛紛多議論之口耳

按趙子常之說本于資中黃楚望而加明晰焉

里德但其書今亦罕傳故具錄而跋識之非欲勦說
所聞襲蹈也

跋劉南坦峴山圖

蘭亭羣賢少長咸集竹溪六逸賓旅無忘曷若香山
詩壇月泉吟社釋九愁而遣五噫具四美而并二難

地則杭稻交疇里寔桑榆蔭道春遊秋豫潮往汐來

山堂仍襲峴首叔子之名畫圖工摹天目王孫之舊
緬懷古昔繼在今斯僕猿鳥爲儔魑魅是禦臨文景

仰問訊踟躕高步九州徒有子建凌雲之想神交千
里慙無長房縮地之能狼跋其胡鶴頸長引矣

跋張愈光結交行

禹山張子愈光髮益短才益長齒目衰詩日盛近作
結交行凡七百八十八字紀海內交遊名士著升沉
感今昔蓋高允同徵杜子美八哀之遺意也又作六
言三十首七言律八首寄子小子則又元白蘇臺皮

陸松陵之富有也而體裁高古則度越之矣其他觸興口占又不可以更僕終或有工于詆訶者曰是不亦多乎哉養生何以詩爲也楊子解之曰養生奚可廢詩也魏伯陽參同一編實建安之先鞭陰長生自敘三詠乃風雅之後乘不知昌虛中無論鍾離子養生奚可廢詩也或又曰爲政何以詩爲楊子解之曰爲政奚可廢詩也重華作歌皋陶載賡神禹有訓五子爰述爲政奚可廢詩也或又曰聖學何以詩爲楊子解之曰學聖奚可廢詩也孔子刪國風雅頌之詩立溫柔敦厚之教楚狂接輿而歌則欲與之言鮑龍

跪石而吟則亟爲之下學聖奚可廢詩也子誠有喙三尺予亦試訊一言也豈有騃仙人瘖道學聞有青錢學士矣未見黃馼少師也使伏獵美麇比翼於鸞鳳是屠羊牧豕皆可爲夔龍矣或者之語乃塞禺山之疑乃醒遂銘其座右曰詩哉明哉詩哉明哉予以此忘情以此養生以此爲政奚其爲爲政以此學聖奚其學學聖

國朝真行書當以宋克爲第一所書七姬帖文其冠絕也然其事則可疑七姬之死蓋出於潘之逼之謂

不幸則可非狗節也平居則獲雜子女而漁聚之一
旦有變恐樂他人之少年而雉經之潘之惡甚矣宋
之書人多珎之故其帖盛傳適以播潘惡耳元末士
風類如此上下荒淫載胥及溺欲不亡得乎余舊料
其情若此近觀高季迪吊弋姬多麗詞云倩嫦娥呼
天試問如何向人間生成尤物等閒又把消磨擗羣
花亂飄塵土毀聯壁碎擲煙波漫說無雙傾城曾數
八人少箇六人多一般樣細腰裊裊高髻峩峩奈干
戈筵上艷曲翻做帳中歌忍教受項纏素帛渾忘記
臂結紅羅翠被都閑玉鈿盡落蒐遊應去馬嵬坡誰
春過其事情信無疑矣吁可憐哉

跋自書小楷春興詩

目有玄花久不作小楷夏日寂居無事乃試一爲之
李重光云壯歲書亦壯如嫫姚十八從軍擁千騎凌
沙漠目無全虜老來書亦老若孔明以白羽麾軍不
見風骨而毫素相適筆無全鋒信斯言也若無白羽
之能祇見皮裘入土空耳余此書將無同耶書成不
覺自笑

漢碑多不著作碑文人姓名而此碑之末續書建安
十年三月上旬造石工劉武良鐫何也曰古人以鐫
石爲一難事故書之以傳魏受禪碑書鍾繇鐫以一
代貴臣文宗而親雕鐫之役古人之重文藻而必欲
永其傳如此顏魯公書桓令家僮鐫之李北海書碑
多手自鐫其云元省已刻或云伏靈芝刻或云黃鶴
仙刻皆北海自鐫也今之立碑草草而付之拙劣之
書鐫者又非良工宜其貽庾子山驢鳴犬吠之誚矣

異魚圖贊跋

今手刻之

予作異魚圖贊間出以示好事者或獻疑曰爾雅注
楊升菴文集 卷之十 九

蟲魚定非磊落人子不見韓子之詩乎子曰韓子有
爲言之也跡其焚膏繼晷之際口吟手披之餘遇蟲
各魚字將刪之乎老子云美言不信而五千之言未
嘗不美莊子欲絕學而莊子何嘗不學蘇子謂人生
識字憂患始豈欲人盡不識字乎如此之類古人善
戲謔自揆擊之一機也雖然不可以訓若孔子則豈
其然教小子以學詩終於多識則蟲魚固在其中矣
孔子豈非磊落人哉近之不悅學者往往拾古人善
謔之言以爲不肖護躬之符可咲且悼充類其說則
伏獵弄麇之侍郎長鎗大劔之將軍一一皆磊落人

也夫先生文集卷之十一

從子 有仁編輯

成都楊懷者

後學趙開美校正
高安陳邦澹惠校

江陽王藩臣
內江蕭如松 全校

青城五隱賢

范

王讓王嬋美

楊升菴文集

卷之十

十

識字

古人

戲謔自培擊之一掃也則以訓若孔子則其然教小子以學詩終於多識則蟲魚固在其中矣孔子豈非磊落人哉近之不悅學者往往拾古人善詭之言以為不肖護躬之符可咲且悼充類其說則也夫弄麀之侍郎長鎗大劍之將軍一一皆磊落人

升菴先生文集卷之十一

成都楊慎者後學趙開美校正
高安陳邦瞻重校從子學有仁編輯

江陽王藩臣內江蕭如松全校

青城五隱贊

范公英英炎漢挺生韜華金德潛光玉恒讓王媿美
洗耳偕清漸遠鴻羽乎陰鶴鳴

右范長生

天授韜奇入林結茨鳳兮颯颯麟之儀儀年百廿歲
有嬰孺姿山癯淵槁奚可同之

楊升菴文集 卷之十一

右譙定

岷山逸老藏用隱賢執范寂袂拍薛昌肩高吟弄月
長嘯揭天遺蹤何在白沙瓊田

右台符

白雲先生六詔不起乃如蒲芝聯德敵體孟光同曜
柳妻遺誅有婦人焉五人而已

右張俞妻曰蒲芝

臨利不敢先人見義不敢後身諒無補於事業要不
負乎君親遭逢太平以處安邊歌詠擊壤以終餘年
天之顧畀厚矣篤矣吾之涯分止矣足矣困而亨冲

而盈寵爲辱平爲福者邪

右自贊

昆明鄭尹陞萬州守歌障詞金馬
瓊瑄南溟帝稱奇甸銅符左篆天假德星旣妙簡於
鴻恩宜特申于燕賀恭惟某官丹山瑞族赤水名駒
南嶽岫嶠之奇英北斗尚書之家世箕裘軒冕合有
聞人衣鉢文章克紹前烈難兄難弟麟儀儀而鳳師
師大馮小馮印纍纍而綬若若緬茲昆明望邑寔惟
滇雲具瞻牛鼎烹鷄置噐固難于適用蟻封試馬未
久已見于非常宰號神明政成卓異生明作肅百務

楊升菴文集

卷之十一

二

不畱治劇剽煩一訊如響扼武夫之吭而奪之氣懾
豪右之膽而服其心衆謂空谷足音人擬中臺首召
京洛雲山外方佇來儀乾坤日夜浮暫勞坐鎮搏風
以上眷然瀟湘之故人遵海而南行矣澄清之岳牧
殊方倚玉逆旅斷金魯擊柝之聞邾幸邇仁里楚
餘波之及晉久庇德隣琴羽未張轡駢已駕何以報
之青玉案庸假填詞我姑酌彼黃金壘聊申雅餞
昆明春水盈盈渡咫尺又銷魂路金馬碧鷄遺愛處
臥鞦攀轅留綦解珮望望仙塵去○鵬海鯨波天一
柱統統鼓聲催欲曙全紫重來還肯許帝加三錫民

歌五袴蚤沛清時雨

亨衢陟明歌障詞

巫岫鍾靈巴月遙輝藻澤吳興媿嫩滇雲迥化蘋洲
岳牧詞人名流堪讚循良君子信史宜書恭惟雲南
大邦伯鶴峰柳先生神降瑤峻學海珠澄夙蜚擘花
溫瑩之聲蚤膺藻榜蘭臺之選雲端首郡天徼名區
襟帶禺同咽喉庸濮控南詔西垂之險先東洱北勝
之雄

帝謂殊藩人推奧府官當方面任切股肱咻民于懷
協留老蔚宗之譔東吏若濕咲成璿宗資之謠鹿逐

揚升卷文集

卷之十一

三

熊以隨轡馬如羊而却廐清崇藻節威服卉裳鈴閣

晝閑地有春臺之樂鉅

鉅音后受書器

階星闈家無夜戶之

虞旬茲雨塊風條兩歧興漁陽之詠貂

貂音消

彼苗螟

葉蟻

蟻音得

三秀繼宣房之歌政成不待三年歸猶就

水德流已匪一日速比置郵亨衢屆期陟明行覬蝸

髻鮐叟曷形容于舞之蹈之鳳驛蛟衢難挽留于攀

者送者假麗藻以展采揚馨芳于聲詩調歸朝歡爲

祖道贈

秋盡汀洲蘋未歇掩映荻花相向折一枝好贈朝天

人還如鵝鵲樓前雪瓊凹連玉凸五城邊銀爲宮闕

埤聲寒非烟叢裏卿藹瑞雲纈○五馬驕嘶虬漏徹
鞘靜珮鳴鶴遙列朱衣引隊奏彤幃天言清問堯階
切俞音傳袞驚賜金增秩千旄子把勲名昭回青簡
身如稷如契

賀薛曲泉撫臺旌獎帳詞

寇恂再借敷青陽百舍之春黃霸重臨沾靈河九里
之潤政首支郡績最中臺民瘡下蘇譽命上逮恭惟
某官政賜也達守夷之清治所臨而有聲課每上而
輒最處煩不擾在劇能剋勞以身先風行草偃雷在
天上雲行雨施消周雅之蘊蟲斥岑瑜之泥鶴七戒

楊升菴文集

卷之十一

四

三齋旣禱千倉萬寶可期况才識疏通兼政事練達
佐郡而譽望洽署瀘而廢墜興上上之考特旌元元
之論允協慎也卜茲掄社實庇棠陰徐孺子下榻于
陳蕃旣輝蓬華陸敬輿傾蓋于姜輔實仰旃幃居邦
事大夫之賢猥從鳧趨之後原田聽輿人之頌敢爲
燕賀之先

青陽有脚喜五馬重臨江陽城郭南定雲開西岷波
靜簾捲風清幕早魃化爲甘雨露禱不須况鶴兆萬
寶詠千箱四野豐年如約○斟酌曾見說老手劇郡
利器無盤錯犬吠花村魚遊春水桴鼓長閒却佇聞

考績徽垣復報薦名荷蒙計晨夕鶯遷燕賀金明紫
渥

右調喜鶯遷

送薛曲阜之鎮雄勸夷手卷詞

名治

澄清德水天開龍馬之湖洋溢息波春滿魚鳧之國
在民崑而堪誦叶公論以無踰縮惟馬湖少邦伯曲
泉薛公澗水竒才鄆城甲族鈞河撻洛擬竹箭之穎
資騰茂蜚英呈天球之秘寶升從赤縣出守朱方西
陵有召父杜母之謠南巴分九里八鴻之潤自公覆
露蒞茲江陽在昔歌廉薄言觀朞月之仁政於今借

楊升菴文集

卷之十一

五

寇奚必分刺史之真符北山賢勞欲息踴躍用兵之
策東臺板命須仗填寬迥駕之行昂昂千里駒笑鄙
夫畏首畏尾蔚蔚九變豹俾小人革面革心惠我無
私式造其歸是祝贈公不拜未占有孚則然聊申蚬
竅下里之歌用代驪駒在門之什

借寇歌廉春有脚皂蓋朱幡輝映江陽郭一噴清泉
斟且酌候人無事閒鈴閣○瘴域嵐方勞鎖鑰靜柝
沉鋒虎兕成鸞鶴風颭歸旌詩滿橐休遲竹馬兒童約

右調鳳樓梧

孝烈婦唐貴梅傳

烈婦姓唐氏名貴梅池州貴池人也笄年適朱姓夫貧且弱有老姑悍且淫少與徽州一富商有私弘治中富商復至池一見婦悅之自拊心曰吾無頭風何以老嫗虛拘哉乃密以金帛賂其姑姑利其有誨婦淫者以百端弗聽迫之弗聽加以箠楚弗聽繼以炮烙體無完膚終不聽乃以不孝訟于官通判慈谿毛玉亦受商之賂倍加官刑幾死者數商猶慕其色冀其改節復令姑保出之親黨咸勸其吐實婦曰若然全吾名而汙吾姑非孝也乃夕易鞋襦維經於後園古梅樹下及旦姑不知之也將入其室挺之手持桑

杖且罵且行曰惡奴蚤從我言又得金帛且享懽樂今定何如而自苦乎入室無見尋之至樹下乃知其死姑大慟哭之親黨咻之曰生旣以不孝訟之死乃稱嫗心何哭之慟姑曰婦在吾猶有望婦死商人必倒賊吾哭金帛不哭此惡奴也尸懸于樹三日顏如生樵夫牧兒咸爲墮淚每歲梅月之下隱隱見其形冉冉而沒有司以礙于府官之故終不舉余舅氏喻士積薄遊至池州稔聞其事作詩吊之歸屬愼爲傳其事嗚呼婦生不辰遭此悍姑生以梅爲名死于梅之株冰操霜清梅乎何殊旣孝且烈汗青宜書有司

失職咄哉可吁乃爲作傳以附露筋碑之跡

倉庚傳

梁武帝代齊錄居齊宮後庭稚齒在潘余之亞者損之又損尚溢乎百數郟后心妒焉帝閒居一日覽大荒經云倉庚食之令人不妬遂下令虞人收捕此鳥絡野籠山佛首爭獻者盈軒墀乃勅中庖以爲宮膳旦旦不繼他肉后與帝食而甘之帝心異其術之速驗試問后曰此餘甘可以分諸夫人乎后卽輟箸不食帝曰荒經曷子欺乎其諸食力尚淺耶將盡脯其餘倉庚中有老而慧者鼓狝作人語而稱曰余西裔

楊升菴文集

卷之十一

之羽臣也余祖逮事庖羲氏庖羲氏之佐有鳥鳴者王建福是釐百羽命余祖曰而仁鳥也其司春候繇茲以還奕世載育及周文王邑于岐山西申有鳳鳥者覽其德而下之羣鳥皆往從之萃于岐下維時風翔者露翥者雨舞者霜皞者朝嘲者夜咬者以萬計復有巴人之比翼蜀山之文翰方山之孔鳥善芳不昧翡翠華首咸集宮樹王及後宮不之奇也而余族獨著彤管焉其詩曰維葉萋萋黃鳥于飛爲其有助于德象也二號髻戲引弓飛土而逐之后曰非所以養童心也戒勿彈周公白文王命羅氏境內特賞不

捕焉今帝不欲爲文王則已欲爲文王蓋赦微軀帝

曰爾曷知周文王試爲我言文王后妃之德何如庚

乃喜而躍曰鴛鴛音雁黃鳥名知之鴛知之匪后妃之德實

文王之烈日者天之明月者地之紀夫爲妻綱象日

明使婦從夫放月紀日載魄於西由媵以升嫡月載

魄於東由嫡以逮媵帝矣曰禮失乃求諸鳥乎爲我

說之庚引脰曰鴛何知鴛何知月之朝也君以視朔

不近內焉后亦辟焉月始魄左媵六人迭御三夕象

微陰也月成魄右媵六人迭御三夕象漸陰也月成

弦三夕而世婦迭御焉月成采三夕而御妻迭御焉

月之幾望后當一夕陰將盈也月之端望后當一夕

陰極盈也月之后望后當一夕陰不終盈也自是三

夕仍降而御妻三夕薦降而世婦三夕還降而左媵

三夕復降而右媵及月之夕也君以掩身不近內焉

后亦辟焉象月以進象月以退授銀環告進也正金

環告退也施玄的告辟也鳴珮玉告節也由媵以升

嫡本微而著盛由嫡以逮媵自盛以下微勿使陰厭

陽勿使柔乘副嗣續以昌壽命以長此陰禮教六宮

而頌聲洋萬方也又公此制于天下諸侯有副宮大

夫有側室士有妾當夕侍夜倣是爲節當此時豈伊

無險陂王制鱗之妬亦何能爲周制之蕪久矣高欲
委罪於微禽變性於纖羽不亦異乎且荒經之誕非
神農之述也帝而信之是不知也沉暉之專非周文
之制也帝而行之是不仁也負此二愆不可以君
族而况君江東乎帝聞庚言懔然側席郟后聞之懔
然無色乃命寫其言于斧扈行其制于永巷郟后幡
然更爲逮下之行庚之力也帝喜曰徒信古陳編不
如倉庚言乃放之不殺封爲金陵郡公唐世有號金
衣公子者卽其後也

樂湘詞

楊升菴文集

卷之十一

九

楚衡余氏尚賓給諫別號樂湘子通顯矣湘
之樂弗忘也乃引病寧歸其友人楊慎儼楚
聲招之

楓林遙裔兮湘之流蒙籠鬱葱兮靈源幽浦激詔徭
兮道逶迤清泠淥淨兮波淪漪文鯨起兮翔鴟浮吟
昧楓林兮且遨遊美人樂兮無期芳杜生兮倚倚遲
莫兮不自獻甘淵瀟兮液波蕩兮滴水環屈臨瀕洞
兮選洄洑紆兮鬱思兮淑蛟螭窟鼓枯查兮誰和曲
西交夏浦兮東顧濡須吞陽吐陰兮涵霄浴虛陽侯
是宅兮川后攸都飄風爲信兮零雨爲軀玄景霏霏

今翳翳冽冽兮淒淒依鳧兮狎鷗回汀兮隱洲矜睠
楓林兮且遨遊鶴子唳兮後侶嗥回鴈鳴兮慕其儔
美人兮歸來湘中兮不可以久遊

無悶篇

有序

余也疾疢悶困之日久矣吊影獨坐有水壺
承子來自成都惠然過我鳳嬉亭上清談相
對積日彌旬又見鶴池方池草池三余之名
藻欣若誦之不知沉痾之去體也遂作無悶
篇以贈承子云

易積而難撥者惟悶而已矣况孤臣之謫九年懿親

楊升菴文集

卷之十一

十一

之隔千里始心折而骨驚漸形茹而神縈商商玄壺
遲遲華晷夢糾魄而升魂寤撫膺而鳴指梁高孫原
境窮渫鉛地則斜龍分浦水則罔象交川酒旗之星
有衣筮篨之天無椽樹交紺兮嵐靄峰合齡齡音金兮

障烟二豎不逢九嬰相纏消渴非長卿之病寂寞異
子雲之玄折楊咲兮逝其遠散花念兮久矣捐晉賢
空悲蒲柳質鮑令徒傷松柏篇悶有結兮誰斷悶有
塵兮難澣坐囚山兮鎖愁城違樂郊兮去驩館智者
不我顧空邇而迹遐佳人不在茲庭虛兮情滿若有
人兮號水壺駟班麟兮乘青鳧手携玄峰之綠帙來

自芙蓉之錦都摘于洲之瓊藻聯三池之璿跗有問
岑兮叩宋同折芰兮焚枯金爲膏兮玉爲醴霞爲漿
兮雪爲腴是日也震滌九陽露露音陰塞四嶂出蕭森
臨昭曠翼竹颺披柳浪沉痾旣失幽怕亦暢水壺子
起而爲畱仙之吟曰有矯者龍兮鸞鵠蜚蜚子有成
言兮今我無違升彼理之磴聊與子忘機無庸歸兮
余乃應之曰於菟三無愠潛龍兩無悶戢卿良箴余
心有開子文子淵伊何人哉

又寄思美人二章寄夏舜俞

渺淮海兮維揚思美人兮增傷鵬何爲兮去息龍何

楊升菴文集

卷之十一

十一

爲兮潛藏松有心兮不改蘭無人兮彌芳秉中情兮
欲寄非柔翰兮能將

又

渺淮海兮揚州思美人兮增愁螿魚龍兮日夜遄鴻
鴈兮春秋阻波濤兮浩浩望牛斗兮悠悠我所思兮
怵悵君胡爲兮淹留

升菴先生文集卷之十一終

升菴先生文集卷之二十一

其五

成都楊慎著

從子 有仁編輯

後學趙開美校正
高安陳邦瞻重校

江陽王藩臣
內江蕭如松 全校

古樂府

沅江曲

綠蘿山豁午烟開野取山樵競野回疊浪高潭渾不
畏舸艚船上唱歌來

碧天霜冷月明多平澧風交湘水波夜夜楓林驚客

棹村村銅鼓和蠻歌

楊升菴文集 卷之十二

羅甸曲 六首 貴州道中

百里馳驅倦三更夢魂歸不辭晝夜苦但使逢春暉

其二

山圍羅甸國水繞的澄橋橋下東流水可惜無蘭橈

其三

寒燈闕孤館陰雲鎖重城長夜恒思曉久雨恒思晴

其四

登山千尋梯下阪九仞井雨潤衣珠融風吹髮毛冷

其五

蠻樹不凋葉蠻雲不放晴長亭望不見何處是渣城

其六

林間山胡鳥聲啼我前何似故園裏花亭聞杜鵑

關嶺曲

四首

貴州

倦枕愁鷄鳴問郎今日程中路不可宿長途須蚤行

其二

北登鷄公背南望象鼻峴相逢試相問往來定誰難

其三

關索嶺四十三盤高前有安龍菁行人莫辭勞而日

其四

老鴉關仰樹間靈卜西去何當還

楊升菴文集

卷之十一

二

蜻蛉謠

蜻蛉美姜公也公未蒞止西郊不聞平息浹

年公在斯矣聆輿誦采民謠綴茲風耳而目

其之乃知美非溢也

蜻蛉川砢碌野鐵菁窮崖飛鳥不下雕結成羣行白

日腥風灑繫我犛牛驅犛馬金鷄廟前無行者使君

坐紫城袍鼓臥不鳴蒼山平洱水清守犬無夜驚行

商達天明白羽蠹青苗生南山踏歌北山耕願留使

君任只愁使君去畏途前番君不聞高車駟馬亦使

君劫商車下殷車輪

新春始汎歌二首

螳螂川水青如苔，漕溪寺花紅滿臺。韶光滿眼莫惜醉，幾個扁舟乘興來。
重萬里不日暮，鄰理清風吹。白沙渡口幾人家，紅粉當壚酒。旆斜梁上新巢，蚤畱燕門前垂柳暗，藏鴉。

滇海竹枝詞

羅漢孤峰祇樹林，梁王輦道海中心。海垠青青堪牧馬，海眼只今無處尋。
東浦彩虹懸水樁，西山白雨點寒江。烟中艇子搖兩槳，空裏鷺絲飛一雙。
滇人喚虹霓爲水樁

楊升菴文集

卷之十二

三

悲酸行

少日多懽，老境足悲酸。悲酸一何易，懽一何難。遊子久不歸，憔悴羈南冠。親庭隔千里，夢中路漫漫。年來轉漂泊，居處無恒安。征馬常苦瘦，旅席常苦寒。有客過我門，勸我強加餐。春陽正發育，覆載本自寬。窮途謝好音，白意于青翰。

蒙鳩篇

辭家鄉去親愛遠，從軍萬里外。日暮曠野霜風凍，我有夫行惻營巢。寄所蒙鳩語老，鳴摘巢抨去之。老鳴言此鳥是鳳凰，抨之恐不祥。但可嚇去之，不令在我。

傍鳳止鳳飛羽毛摧頽五里一返顧十里一徘徊山
川嗟峨嶽岑隱阿且飲晨露飧朝霞禍無常門福無
常家咄嗟呼傷哉謂之何

青蛉行 二首 寄內

青蛉絕塞怨離居金鴈橋頭幾歲除易求海上瓊枝
樹難得閨中錦字書

燕子伯勞相對眠牽牛織女別經年珊瑚寶樹生海

底明星白石在天邊

張云予點升菴詩不喜其深邃而喜其明爽也

遙夜吟

遙夜吟懷禹山也會阻乎期情見乎辭

楊升菴文集

卷之十一

四

明發葉榆城暝逗蘭津渡超忽類飛翰往來如織路
僕痛馬亦黃簪短帶復長天高行誰問日暮坐自傷
鴻飛畏逢羅虎飢正出柙寒流泚玄冠涼風吹白恰
子有負俗累予乃投荒人睽形而比影異習仍同塵
晤言能幾朝契濶何疊夕浪跡苦難并嘉會良易擲
翻憶在滇海翻思在連然耀歌花館醉清梵雲房眠
丹癸耿遙夜烏曰聒五曉相望不可晨咫尺限雲杪

舞姬脫鞋歌題画

潘妃睡起冷金沙弓鞋半脫雙鸞斜越羅襪襯齊紈
素彩霞搖裔香生步早路金蕖白日娥芝田洛浦凌

微波曳霜回雪下平地琉璃滑澤春雲膩花鬆玉輦
嬌無力天公一笑生春色寶蘭困倚滯蹙小玉雙
成扶不得起來翹翠踏芳塵粧臺擷鏡重梳勻人間
絕世誰相并月鈞下鬪絳鉤新

南中曉寒曲

南中異節候北陸戒表鑪夜凍玉樸邀朝寒金畢通
可念無衣客誰徵褰與襦

龍編行答禹山

北極軍書一羽過南交氛祲九真多金湊銅柱天王
地象渚龍編瘴海波滑曲屯田愁葛亮關中餽餉急

楊升菴文集

卷之十二

五

蕭何嵐開比景鳶低水風度鳴沙馬歎陀自許將軍
回白日誰憑壯士挽銀河騰峯浴鐵朝乘障下瀨樓
船夜戢戈翡翠越裳近消息麒麟漢閣遠嵯峨娑婆
橫吹驚楊柳曄曄商聲響薜蘿隱豹文韜須霧澤荒
鷄舞困且漁蓑欣聞幕府收才彥佇立衡門聽凱歌

唐海一作精衛

作馬行

作馬出滇西青金護鑿蹄朝驂過歸鴈夕駕軼昆雞
蹠雪工升甌甌音拖凌雲欲舞梯流星迸石齒訝道火

龍飛

葵鏡吟贈右溪

花青中有唐婆鏡者一名羞天花一名倒垂
蓮本草所謂鬼白也其花背日與蜀葵正相
反曾聞其名今始見之托諸聲詩以寄同慨
蜀葵與唐鏡同節復爭鮮蜀葵終向日唐鏡每羞天
卉木異情性造化均陶甄安得指佞草重植堯階前
法夢烟丸歌贈製墨毛道士羽周

鷄足烟丸古松心龍眠惜之如惜金玄霜遙分玉兔
窟碧髓近挺青蛉岑茅犀截角光自照栢麝却膺香
太侵鴻崖羽人故多幻鶴馭明朝那可尋莫辭爲我

楊

卷之十二

六

官

巖易簡云鷄足山古松心製墨
絕佳碧髓青蛉岑見江淹賦

征人蚤行圖

杜鵑花下杜鵑啼烏臼樹頭烏臼棲不待鳴鷄度關
去夢中征馬尚聞嘶

後緩聲歌

澤藏之山必有陸沉之波物或反其常君將奈之何
雌驍難爲雄斧小不勝柯心之憂矣歌且訛復思入
淮之爵必有飛海之鯨披枝且害心繁實多隕條吐
珠誰不舍曼睩能無招心之憂矣歌且謔

羅甸吟

荳蘭方號鬼貴竹旬名羅牛泔枉稱海駿坂猶題坡
林餘楚篳輅杖識漢牂牁久成勞行惻天高奈若何
笠澤弄三解爲潘叅藩父壽

蜀城東望笠澤雲輪困搖曳青氤氳萬里從龍持獻
君將獻君先過里攢鳳笙歌燕喜
五津東下仙舟輕三泖涼波秋水水平景于南極中宵
明中宵明玄景煥展國容拜家宴

鶯湖小雪梅照天鱸羨尊鼓酒如泉錦袍起舞白華
篇白華篇丹桂曲祝千齡綏百祿

鶯郎行

楊升菴文集

卷之十二

七

苾澤鶯郎啞雛鴨鶯飛鴛鴦逐鴨鳩翠袖啼春幽鳳
奩紅綵穿露空鶯桺碧眼胡兒亂馳鴉三五紅顏片
時老今日盈盈滇海花明旦蕭蕭陸涼草

青海引

長白山前喞黑風枯樺火照甘泉紅五千貂錦血邊
草單于夜帳移湟中華林酒艷長庚醉沉香春濃海
棠睡金馬門如萬里遙那知青海城頭事

田家喜晴謠

玉女投壺玉皇側海童拖霖海天黑風花閃日日咲

雲

俗以雲氣班駁謂之風花古詩明月揚帆應復咲
蒸雲散亂作風花○俗諺以雨乍落乍止曰雲

漏謂之天笑雲氣烘爲雀頭色須臾變作樓梯天黃綿襖

出晒破磚諺云樓梯天晒破磚又田叟冬晴見日喜曰天上黃綿襖子出來簷夜望

黎星沒蘆絮飛殘水生骨諺云黎星沒水生骨

則賦明月篇管主平云賦

桂樹生銀漢菱花樹玉臺山明姑射雪川靜海童埃

北戶燭龍蟄南枝烏鵲來清光殊窈窕流影自徘徊

樓上盈盈女樽前灑灑杯孤桐不須薦錦瑟正相催

又風古怨春鳥交翅不鳥絲又平山尺棘

游樹正丰茸清防深幾重金星長樂漏壁月景陽鍾

掃粉趙飛燕捲衣秦祖龍粧成獨不見傾國爲誰容

楊升菴文集 卷之十一

八

補旱魚風木吟爲黃月坡政使賦勸園漁翁

晨風搖搖有鳥朝嘲不息終朝予心孔勞及景則

夕風習習有鳥夜啜不息終夕予心孔棘

樹欲靜兮風則起矣子欲養兮親則已矣瑟玉

枯魚銜索兮蠹何泣矣養之不逮兮祭何及矣將

楚竹吟隱括東方朔七諫語

便娟之脩竹寄生乎江潭針切歲稔上防露冷冷下

來風針切那知竹與栢虛塞兩異心蓬矢射犀草篋

離暗落委荒林夏首西浮遠潯陽南望深夫招白抽

總歌徒悲吟天高何難問斯情匪斯今天黃

游女行

東風春正韶南浦美人嬌下蔡君休問上官誰敢邀

折花斜寶珥映水正金翹娉婷惜未嫁應待逐文簫

湖艷曲

素足踏金沙

波搖半臂霞東風湖澀好疑是孟珠家

江艷曲

交甫江臯見劉晨洞裏逢可憐裾踏鴈不用髻盤龍

思遠道

章丹請輟舞秦青且罷歌佳人上宮出儷婆復傾娥

夜月光如練春江紋似羅所思在遠道朱顏誰爲酩

楊升菴文集

卷之十二

九

竹浪詞

七首 爲劉珥江賦

新結茅齋近少城清流映帶更多情幽懷似怪王維

少柳浪何如竹浪清

青嵐帚掃紫筠烟垂露珠零綠粉天最美仙郎能縮

地簣簞谷在錦江邊

一部清商竹嘯風三霄碧纛舞晴空披襟已在珠宮

上宋玉蘭臺賦漫雄

錦籜花裊護笋根龍孫蛇祖啓風門對青好續涪翁

賦滴露研朱掛月村

衆竅爲嗑萬竅號調調未定見刁刁畫風雄筆君須

繼北海南溟捲紫毫

鸞暮籠烟還漏月鳳晨防露更來風寬闊不似城中
走開美放
安東邦

地水碧金膏五百弓

一節爲船碧海通十洲三島訪仙翁乘風破浪非難
事好在垂天萬里蓬

楊升菴文集

卷之十三

十

事決海重天萬里數
一節爲船碧海通十洲三島訪仙翁乘風破浪非難
地水碧金膏五百弓

對青好

鸞暮籠烟還漏月鳳晨防露更來風寬闊不似城中
地水碧金膏五百弓

升菴先生文集卷之十三

從子 有仁編輯

成都楊慎著

後學趙開美校正
高安陳邦瞻重校

江陽王藩臣
內江蕭如松 仝校

古樂府

海估行 二首

海估帆乘錦浪飛綃宮夜取萬珠璣翻身驚起蛟龍
睡血污清冷竟不歸

偃月堂空罷舞塵靖安坊冷怨佳人芙蓉蓮子隨他
去不及當年石季倫

楊升菴文集

卷之十三

吳楚行

神女巫山上西施越網中朝雲迷楚國夕露滿吳宮
舞榭青楓樹歌臺綠蕙叢伍員魂已斷宋玉賦休工

涉江采芙蓉

沉沉秋江水灼灼芙蓉花葉葉凌清霜枝枝明朝霞
娟娟東隣子采采惜芳華昔時贈同心今日悲天涯
欲寄苦無因向風長嘆嗟

代古日出行

晨登石巒望浮雲何相羊飄風自東來若木迴其光
景耀薄萬里下界猶蒼涼曾崖自鬱鬱芳菲含春霜

草虫一何微感物鳴其傍天池有黃鵠一舉知園方
靈菊植幽崖擢穎凌寒飈春露不染色秋霜不改條
三泉漱玄根九陽晞素苗衡星散光晶香氣何飄飄
東林生玉樹西畹生蘭翹懿此歲莖茂感彼芸黃凋
采爲仙人食千載通一朝金童酌霞醴神女彈雲璈
顧視西王母翠髮如陵茗

方云真選體

不翅雙燕曲

有鳥名飛燕雄雌自相將飲君玉池水巢君文杏梁
美人當軒坐恐浣羅衣裳請君駐除之君憐不忍傷

楊升菴文集

卷之十三

二

雛生八九子嬌愛比鳳皇鳴聲何啾啾聞我庭東廂
習飛還不遠墮墜雙扉旁主人戒廬兒毛羽無摧戕
不喙五株桃不唳五畝梁秋風從西起翩翩向南翔
昔爲黃口兒今爲烏衣郎辭巢謝主人華屋思難忘
願主壽千歲歲歲巢君堂

方云有風有體

東林扶南曲

五首

春人辭曲房羅綺雜花香遠思河邊草柔情陌上桑

歸來庭下路羞見紫鴛鴦

愁窺綠綺琴絃澁不成音鏡裏春春貌牕前夜夜心

臨邛人去遠離夢繞花陰

清歌發皓齒，浪夜足歡娛。誓好同心結，迎祥百子圖。
千金當一刻，城上莫啼烏。

遊賞上春時，踟躕望所思。花嬌初學臉，柳淺未成眉。
問訊溝頭水，微波可致辭。林堂人兼美人夢齊相賦
淇上輕盈侶，巫陽縹緲仙。晚歸因鬪草，春因爲秋千。
羅帳合雙咲，燈昏尚未眠。

良妻烏棲曲

四首

下下賦本妻妾楚語思賦意賦賦

金蓮作杵瓊瑰砧，蚊龍艷錦鴛鴦衾。并刀未剪燕霜
落，何日征衣到沙漠。賦鴛鴦詩天賦寒賦賦賦賦賦
晝漏迢迢春灑灑，草如柔荊花如焰。白日紅牕恨轉

楊升菴文集

卷之十三

三

多箇儂無計，奈春何。賦采風五賦賦白日賦賦賦
汝南鳴鷄烏臼鳥，強顏饒舌催天曉。殘粧相送淚闌
干，月帳雲屏生曉寒。賦賦賦賦賦賦賦賦賦賦
月華二八星三五，丁丁漏水襲襲鼓相思。相憶阻河
橋，可憐人度可憐宵。方云真得齊梁風致而不流

其土宛轉歌

賦賦賦賦賦賦賦賦賦賦

明河拂幌月棲簷，驚鳥號林螢入簾。美人遙夜歌宛
轉，羅衣不襞宮黃淺。愁聽更漏轉分明，綉綉樓頭五
鼓聲。

梁白紵舞歌

二首
賦賦賦賦賦賦賦賦賦賦

仙人六着帝臺棋高張洞越吹參差二八遞代三商
移合嬌吝彩闕容儀流雲不度華星遲鑑火九微鎗
九枝騰觚飛爵朱顏怡傳空引滿客忘疲滿堂不語
心相知

又

英英白紵雪色光機杼出自寒女房裁作舞衣雙袖
長吳娃魏粲自相將宛轉顧步雙鴛鴦儼若星月舒
其芒髮如結旌體如翔秋葍葍音約白並藥也被風蘭裊香
回身再拜奉瑤觴千秋萬歲侍君王方云雖使沈約復生亦當心服

桂湖曲送胡孝思

楊升菴文集

卷之十三

四

君來桂湖上湖水生清風清風如君懷灑然秋期同
君去桂湖上湖水映明月明月如懷君悵然何時輟
湖風向客清湖月照人明別離俱有憶風月重含情
含情重含情攀畱桂之樹珍重一枝才畱連千里句
明年桂花開君在雨花臺隴禽傳語去江鯉寄書來

方云
流麗

大堤曲

大堤二三月垂楊千萬把上枝堪藏鴉下根堪繫馬
藏鴉繫馬晚樓邊沉水香焚清酒傳紅霞宛宛歌聲
外漢水團團明鏡前夜飲朝眠歡不足秋去春來芳

草綠只知郎橐盡黃金不道妾顏銷白玉江有方洲
岸有沙牙檣絲纜各天涯釵橫花困驚殘夢不信行
人不憶家

冬晴

三首

冬晴連月歲欲闌北屋脩影迴南巒行人喜舞農人
歡負耒杖策各自返過涉不愁溪水寒

又

岸梅春動江不波玉顏粲粲回鏡柯橘洲霜晚繁香
多吁嗟二物堪贈遠如此萬里關山何

又

楊升春文集

卷之十三

五

岷山白日多光輝清江激霧雪霰稀魚龍不蟄鴻鴈
飛塞上將軍未解甲城南思婦夜縫衣

阻風曲鐘子磯作

三首

峭石驚磯橫浦口朔風半夜蛟龍吼一枕波濤萬里
心江水客愁誰淺深

行人夜唱江南曲巴歛楚夢遙相續聲聲怨暝復愁
更訴盡離情天未明

啼猿峽口江流遠回鴈峰前沙磧晚水驛梅花開未
開緘情千里寄陽臺

幡幡中林葉別內兄黃峻卿

幡幡中林葉迢迢語離別

玉溪云苑轉有風致

離別不可親稍

思隔南津南津首北路奔奔入烟霧夙昔欣芝蘭疇

體成歡顏只戀携手好豈知行路難前有一樽酒絃

歌清商曲行子唱驪駒主人彈別鵠別鵠影悠悠寄

音下西州一言展契濶再言申綢繆

玉溪云情到與到古意古體

垂柳篇

楚雄苴力橋有垂柳一株婉的可愛往來過

之賦此志感

靈和殿前艷陽時忘憂館裏光風吹千門萬戶旌旗

色九陌三條雨露姿蒼涼死日籠燕甸縹緲宮雲覆

京縣芳樹重重歸院迷飄飄點點臨池見臨池歸院

總仙曹應制分題競彩毫詔乘西第將軍馬詩奪東

方學士袍金明綠暗留烟霧舊燕新鶯換朝暮只知

眉黛為君顰肯信腰肢有人妬從此沉淪萬里身可

憐憔悴四經春支離散木甘時棄攀折荒亭委路塵

搖落秋空上林遠婆娑生意華年晚腸斷關山明月

樓一聲橫笛清霜坂

江干行答禺山

吳娃江干采芙蓉陳王洛浦賦遊龍忽驚繡帶香風

起漸覺羅裳珠露濃不緣織女星邊見定是嫦娥月

起漸覺羅裳珠露濃不緣織女星邊見定是嫦娥月

楊升菴文集 卷之十三 六

下逢逢君薦枕對襄王別君解珮悲交甫青雲窈窕
曼聲歌綠水迴環垂手舞鸞歌鳳舞無雙入燕歲鶯
年二八春百末蘭生延夕漏九華采燈爛晴晝金屏
花裏活秦宮寶帳香中隱韓壽迴黃轉紫返復間得
新捐舊須臾後舊人顏色昔曾新新人恩愛行當舊
舊人紅袖泣新魚新人翠羽綴燕裾阿嬌怨賦金難
買蘇蕙迴文錦不如濁水清塵坐長歎空畱可憐誰
相於

華燭引

華亭席上酒闌樂闌禺山張子愈光誦梁人

楊升菴文集

卷之十三

七

燭賦碧玉舞罷羅裳單之句歎其警絕而惜
其非賦體也抽毫檠紙屬予增損其辭以爲

華燭引

六螭稅駕眠虞淵三爵行棲珠樹烟雲母疏牕花作
地茱萸繡帳錦爲天銅芝抱蒂復纏柯金藕相縈共
吐荷虹貫彩暈迎雨歇蜜催香焰送風過桂華漏促
頻銷麝蘭燼天寒不畏蛾徐君東壁機絲少郢相南
方書誤多菖蒲傳酒座欲闌碧玉舞罷羅裳單留雲
影射荆王枕法露光搖漢帝盤攬帶盈盈君不見脫
纓脉脉兩相看

紫霞西沒白日陰
蘭膏明燭洞房深
蛾飛迥向蓮臺度
螢燭平臨桂炷沉
鶴露鴈霜驚蚤寒
寸心斗酒奉君歡
火齊蟠烟金的鑠
銅荷垂燼半闌干
座中碧玉好名倡
清臚曼睪爛齊光
燭花剪作雙蝴蝶
蠟淚融成兩鳳凰
便面障眉掃蛾綠
搔頭墜鬢渲鴉黃
綺結交牕牕拂曙金
鉅銷香香滿絮星
翻漢回奈若何
顧影徘徊送君去

六朝初唐之作絕響久矣往年吾友何仲默嘗云三百篇首睢鳩六義首乎風唐初四子

楊升菴文集

卷之十三

八

音節往往可歌而病子美缺風人之義蓋名言也故作明月流螢諸篇擬之然微有累句

未能醇肖也升菴太史公增損梁簡文華燭

藻繪天機盪于靈聰宛焉永明大同之聲調

不雜垂拱景雲以後之語言外史小子含綬

讀七八過飄飄然有凌雲之思灑然獨醒不

覺骨裏青玉身坐紫府也噫吾與古人交久

矣吾與仙人遊久矣安得起仲默于九原而

共賞之耶張含跋

升菴文集卷十三終

升菴先生文集卷第十四

從子有仁編輯

成都楊慎著

後學趙開美校正
高安陳邦瞻重校

江陽王藩臣
內江蕭如松全校

古樂府

關山月

迢迢賤妾隔湘川
杳杳征人戍朔邊
分弓營對珠龜

缺掛鏡臺臨玉兔
圓紫塞風烟白
登接黃河波浪黑

山連何時空外嬋
娟影來照樓前
歌舞筵

淮南子時
哈珠龜與

月盛
衰

楊升菴文集

卷十四

足唐人句效古塞下曲

長榆塞上接龜沙
碎葉城邊建虎牙
夜夜月為青塚

鏡年年雪作黑
山花蘇武白
頭持漢節文姬紅
淚泣

胡笳可憐苜蓿迷
征馬誰見蒲桃入
內家

燕歌行柬程以道

玄羗白狄起邊埃
翠毛朱綬選將才
玉弩驚天連馬

邑金精婦且過龍
堆甘泉宮裏兜零
舉踈勒城邊汲

綆摧射虎瞑中聞
暗吼落雕雲外墜
清哀五千深入

衝寒雪十萬橫行
殷霽雷楊柳先春
旗葉展芙蓉不

夜劍花開錦車持
節夫人至貝帶弋
弓驕子迴逐北

朝移行幕府受降秋上古輪臺青樓月對夷方出紫
塞風從丑角來擬縛名王歌杖杜肯思中婦詠條枚

新曲古意

凌波洛浦遇陳王躡步邯鄲綴舞行鸞尾鳳頭爭嬾
婉麝臍龍腦鬪芬芳巫陽臺上春先到漢月樓中夜
未央結網嬉蛛垂藻井營巢睇燕宿梅梁金仙素掌
晞金露玉女青腰裏玉霜翠織屏風交屈戌紅羅斗
帳掛香囊膩鬢斜墜烏雲滑脂體橫陳白雪光詞賦
楚王憐宋玉畫圖天老教軒皇生憎露鶴催宵急死
恨星鷄促曙忙肯信王嬙嬪絕國紅顏清淚泣玄羌

楊升菴文集

卷十四

二

題唐人閨秀熨帛圖

碧梧葉落紅閨晚玫瑰敲月催金剪重重海簾銀蒜
垂曲曲山屏皂羅展廣儲懸月月月初臨緹幕染霜霜
已深禁痒銖衣圍夜玉嗟蛾寶髻辟寒金雲母箱開
同心鎖鈿鋸香浮九微火秦篝齊縷聞紛華蜀錦吳
綾分婀娜熨帛申繒憶遠行遥遥夜夜不勝情百層
妾住垂花塢萬里君居碎葉城垂花碎葉音塵隔春
去秋來感行跡深閨心斷結蠶書絕塞眼穿無鴈帛
明燭蘭膏照獨眠蛾眉曼睩爲誰妍試看裴羽相思
夕何似徐吾共績年

禁痒又作巾弱
嗟蛾又作倭墮

休洗紅

閩山東流賊之亂也

休洗紅紅顏薄命恨難窮
蛾眉傾國誰家女十五纖
腰媒未通金屋盈盈嬌白日錦窓的的玩春風
戎馬一朝生冀北黃巾萬騎滿山東
金繒賤棄如泥土絕色爭擒獻鏑鋒
火燒野田飛豎鴨雲暎東方生
驟竦飄零自身如葉憔悴誰甘首似蓬
當時不識門前路今日能彎馬上弓
婦女何能堅節操丈夫本自不英雄

古艷曲

二首

皎皎復盈盈傾國更傾城
珊瑚絲結網茗華玉篆名

楊升菴文集卷十四

三

宮女多相妬非關君薄情

珊瑚網西施事出吳越春秋逸篇見劉克李義山詩

註夏后氏二美女若華刻名琬琰王若是琬華是琰見汲冢瑣語

掩翬來玉塞顧影戀金門
翠燭勞光彩銀屏後夢魂
羅衣香未歇猶是漢宮恩

邯鄲才人嫁爲廝卒婦

序曰予觀樂府有邯鄲才人嫁爲廝養卒婦
一婢主特亡其辭亦失其解及考史記張耳傳洎楚

獄先後使者往請輒爲燕所殺趙有廝養卒

謝其舍中曰吾將載趙王歸舍中人笑之乃

走燕壁以利害說燕將燕以爲然乃歸趙王
廝養卒御王以歸武臣歸趙以美人妻養卒
以報之是其事也予觀養卒有戰國策士之
風太史公書其事文旣奇樂府歌其事亦奇
矣六朝及唐人擬作者皆似眯目道黑白雖
吾鄉太白亦迷其原昔吾亡友何仲默一日
讀焦仲卿妻樂府謂予曰古今惟此一篇更
無第二篇也凡歌辭簡則古此篇愈繁愈古
子庶幾焉可作一篇與此相對予謝未遑然
亦未有茲奇事直當之也去今二十年屏居

滇雲平晝無事散帙見此事思與仲卿事適
類復憶仲默言乃操觚試爲之以成此篇惜
不使仲默見之永昌張愈光亦仲默文字友
也遂往一通以寄愈光云

團團桂花樹生在邛郫宮翩翩翡翠鳥結巢丹桂叢
花紅何灼灼翡翠何雍雍宮中有才人顏色如花紅
青雲爲雙髻明月爲雙瞳十三阿母側十四深宮中
貞心比筠竹榮華如茂松左手抱齊瑟右手揮吳桐
紫綺爲綢繆紈素爲裁縫懶隨明點點龍涎薰褶袖
楚藻華跼薦燕支唇融楊子江心鏡百鍊照膽銅

復帷鎮文犀列錢銜璧缸被繡共命鳥席坐同心絨
蜻蛉唳鳳子雞翹濯鳧翁春襟燕乙乙曉寢臣芻蕘
芳池七十二寶帳三千重名用琬琰刻臂用絳紗封
昔似河中鶩今從雲中龍雲龍不可繫河鶩那得從
君王好遊獵將軍射飛鴻青樓臨大道層城俯雕甍
燕兵北方來陣馬如蟻蠓惡氛起廣陌襄國迷旌幢
悠悠俄轉轂去去成飄蓬暮看月出西朝看日出東
君王不可見日月光瞳矐湛盧失吳劍烏號亡楚弓
左將名飛虎右將名飛熊前軍千人俊後軍萬人雄
中軍張與陳耳心餘腹同前使叩燕壁後使躡前蹤

去節何揚揚歸竟杳煢煢後軍戒前覆咫尺不敢通
王宮懸賞格賞格厚且隆侯印方斗大金帛嵩丘崇
不愛印懸斗不愛金堆嵩宮中有才人顏色如花紅
青雲頭上髻明月眼中瞳十三阿母側十四深宮中
逝將脫薪樵歸來取華容將軍問何人竄下廝養童
軍中駭且異駭異交譏諷爾廝一何蚩爾養一何忝
爾去何當還無吉祇有凶左將名飛虎右將名飛熊
前軍千人俊後軍萬人雄往往不生還纍纍形影空
鬪鬪虎狼吻嗟嗟么麼虫養卒含笑言君豈知我衷
君亦勿賤賤君亦勿庸庸君亦勿少少君亦勿窮窮

勿以江海流棄捐溝與濶勿以芝蘭芳棄捐菲與藟
勿以椒櫛貴棄捐薤與葱君道如踐棘我道如折蓼
君道如探湯我道如撥糲我去車搖搖我來鼓鼗鼗
朝發趙北際暮望燕南衝沐露轉磨笄戴斗但崆峒
行行日已夕停舟易水陰當門報燕將言有趙使臨
使者問燕將試言探臣曾燕將語趙使爾欲得爾王
趙使笑不止爾語曠且霧燕爲唇齒國趙爲輔車邦
張耳與陳餘饑鷹待勁風交遊如父子遯秦聯翼駿
一朝仗馬箠下趙數十城各有南面志機會不巧逢
勢屈武臣下立王持趙心趙地今已定趙王爲燕擒

耳餘握趙柄武臣受燕籠王歸二人臣王囚二人公
肯迎生王輦惟逆死王軼死王良實願求王但虛名
王魂化燕氛二人喜無忤內舉全趙勢外折弱燕鋒
問罪始有名仗義不待攻王今兵在頸行見雉離罟
臣來吊燕禍不來歸趙功燕將色如土燕王胸如春
乞爾趙王歸急歸在匆匆出門不復顧仰天荷高穹
養卒御王歸喜氣如渴虹前歌揚金鑣後舞踏錦幪
荆卿羞督亢陳馳慙遷共惠公返曲沃勾踐復吳淞
山川再清朗天地重昭明智靡秦檣里勇冠夏逢門
銅斗笑刺客玳簪忽談朋三軍咸嘖嘖衆口交喁喁

升爲堂上賓永脫龜玉烘張筵列樽俎烹羔宰肥縱
纍纍繫印綬瑟瑟穿玲瓏陽阿七槃舞中山酒千鍾
厚賞陳前墀養卒辭未終宮中有才人顏色如花紅
可憐桃李子降作糟覈供始笑周尾生抱柱流寒涼
復笑蘇季子愚婦不下綬陳餘娶公乘張耳婚外黃
持將比才人才人姣無雙宮粧揚嫵都野態減妖穠
殷勤語才人才人莫心忪好去偕新郎新郎非蚩氓
繁華少佳實麗色幾歡悰請看古美人命薄恨常濃
驪姬死晉市西施沉吳江黃鵠悲陶嬰蝴蝶怨韓馮
瀉內兩皇英南望九疑峯斑竹淚點點蕭湘波洶洶

楊升菴文集

卷十四

七

章華貯巧笑細腰如黃蜂峽夢啼露援江眺傷青楓
阿房三十六烈燄驚羊茸娥娥總薄命嗚嗚歌懊懣
相逢恨靡蕪相思苓芙蓉爾各播樂府爾芳輝管彤
寄謝東隣子學步休言工去聲滌滌滌滌滌滌滌滌
辭飛燕詠下入效無雙宮粧點畫惜樓說好秋對
飛燕元傾國合德更聯芳歌舞平陽第膏沐溫柔鄉
涎涎宮中去雙雙天上翔露華百英粉沉水九迴香
李文明襪練石花疑袖粧金缸星列影珠帳月齊光
避風遠條館沃雪浴蘭房香湯不沾體仙飈空引裳
吹簫慶安世持履馮無方嬌愛詎終極榮華安可常

禍水一以浸炎火允不揚莫誦伶玄傳徒令樊女傷

善哉行

夏夜苦短冬夜苦長日月既逝春華秋霜一解

山川嵯峨懸日孔多豈無車轅淹留匪他二解

獸有朋攜鳥有羣飛顧瞻中林且往夕歸三解

海色東起明星晨墜美人在遠寢不聊寐四解

同心異鄉意遐思長思來何如彈琴中商五解

附書來鴻翩翩空疾願爾千里勿遇繒緯六解

梅花落書以沈滄曲散有別絲帶熱不題韻

古樂府有梅花落曲唐人諸家作者多矣皆

楊升菴文集卷十四

詠其開不言其落也旅行松次適見梅花落

乃援舊題以成新曲雖有愧緣情庶不謬體

物云耳空天賦爾千里心與辭翰文選

落梅復落梅于片復萬片願借鼓芳風吹入披香殿

其二 郎星景望美人玉鬢舞不俱寐四解

古梅飄古香新梅綴新粧那枝傳妾恨何樹近君鄉

其三 灤日昇豈無車軸齋留對賦文選

梅落復梅開流光似流水君心在梅花妾意憐梅子

其四

圓思更圓情依幌且依楹朝朝粧靨靨日日望卿卿

合歡詠 有序

合歡爲樹夜合朝開枝葉繁互望若蟠糾風
至扶踈了不相牽綴古人所謂青囊蠲忿者
也覽晉人楊芳之詩聊繼聲焉

可憐合歡樹生我庭東
廂枝枝相糾結葉葉復飄揚
烟交疑覆帳風散若分香
戢華踐西柳開艷啟東
桑周詩驚采綠楚夢感昏黃
贈君以蠲忿與妾同芬芳

峽東曲

白帝到江陵一千二百里
欲試一日程須待春水起
布帆一百尺出自三梭織
風順早歸來天際遙相識

楊升菴文集

卷十四

九

七夕曲

此夕知何夕今秋似去秋
涼風兼遠思併在最高樓

盤江行

貴州

可憐盤江河年年瘴癘多
青草二三月綠烟生碧波
行人好經過

七盤勞歌

一盤谿谷低仰首愁攀躋
蠶崖白雲上鳥道金天西
二盤行漸難谷口野風寒
石磴愁旋馬行人各解鞍
三盤雲霧堆側徑轉迂
回前旌正延佇駿騎莫相催
四盤連翠微峰日隱晴輝
石齒嚙人足樹枝罾人衣

五盤勢更高俯見棲鳥巢巖巒暫相倚人馬同時勞
六盤窮攀緣真似上青天天下瞰已峻絕上望更巍然
七盤險棧平眺望倚分明西征通蜀道北望指秦城

朝天嶺

落日半山勾掩映栗葉赤行客早知休前溪多虎跡

將進酒

清醑如濟濁醪如河君子有酒旨且多我當起舞君
當歌歌烏烏舞傿傿歌舞未終良夜過我首旣濡君
顏酡古稱賢達日飲無何人生安樂孰知其他
將進酒杯行遲主人且勿喧君子有所思堯置中衢

楊升菴文集

卷十四

十

尊文王法酒旗共此融融歡無愆抑抑儀今汝年壽
等喬松名與金石期將進酒酒且終樂相樂樂無窮

張禹山云辭古調高義存鑑
戒與淳于對齊王語相似

鷓鴣歌

紺宇流霜豆房冷華燭蟠烟舞交影中有一人字鷓
鷓飛爵騰觚盼斜領蓮花漏水夜無多莫將金滴比
銀河願爲楚女巫山之行雨不願作甄妃洛浦之凌
波

楚妃引

金缸街壁隨珠燭美人如月嬉華屋明星爛爛接朝

霞笈殺蘭膏誇宋玉

宵獵南夢赴長茶火似雲鯢賦雷鼓同車獨共龍陽

君繼腰美人空楚舞

莽叶蒲 補切

珠履曲

漸臺織女跂東足

甘氏星經織女東足曰漸臺

襪羅不染銀河綠

飛下天邊三素雲來舞人間八琅曲白紵繚繞豐跌

光掌中無力踏春陽共命縷纏雙蹀躞同心絲繡五

文章娉嫋輕盈耶鄴步嬖跚勃窣漢宮妬香裙漏影

蝴蝶飛蘭膏明燭翳霄暉金杯漱灑浮金影玉山摧

頽偎玉寢夢裏俄驚月入懷醒時却訝蓮生枕雪皴

楊升菴文集

卷十四

十一

霜皴起夜來花欹柳弱臨高臺牽牛呼龍種瑤草不
遣仙踪印歸道笑殺梁家與石家折腰香塵何足誇

漸臺織女跂東足

東足曰漸臺

蘇繇不榮題賦繇

銀河卷鬋曲

女巫山之行雨不願作甄妃洛浦之凌

蘇繇艷美人空螿

蘇叶蒲 補切

宵獵南夢赴長茶火似雲鯢賦雷鼓同車獨共龍陽

君繼腰美人空楚舞

升菴先生文集卷第十五

從子 有仁編輯

成都楊慎著

後學趙開美校正
高安陳邦瞻重校

江陽王藩臣
內江蕭如松 全校

五言古詩

白雲岩為謝左溪賦

名廷芝

紅雲擁帝居紫雲蔭仙籙白雲何悠揚舒卷岩之曲

震澤昔從龍液池曾下鵠出岫本無心懸車返初服

憬彼入深林跫然在空谷風聽弘景松露採淵明菊

菊露綴明珠松風韻球玉九牧謝兩龔三間諧二陸

楊升菴文集

卷十五

何日和雲謠西池春草綠

行古諺

漢時諺云殺君馬者路傍兒其言雖小
可以喻大衍為一篇感時撫事亦有諷

天馬龍為友來自渥洼池青絲為之絡黃金為之鞿

圉人新承命剪拂下瑤墀騎出橫門外茸茸春草時

東城接南陌觀者咸嗟咨弄臣矜迅足長鞭終日施

汗血忽憔悴筋力盡駘馳未樹邊隅績徒為冶遊疲

始信殺君馬端是路傍兒

題交甫解佩圖

交甫之楚遊息影依喬木道逢兩仙姝逍遙漢臯曲

星宿綴明璫雲霞裝魁服婉孌蕩熒魂花艷驚凡目
目隨鞞塵揚魂與芳風逐結夢擬陽臺交辭同阿谷
榮華橘是柚貞芳筍成竹江永不可方微波春自綠
別陳玉泉

玉人將遠別投贈瓊敷篇惠而能好我襄徇病榻邊
感此萬里行曷月重周旋秦地四方樞神臯接英躔
八水忽橫流九嶷俄震騫來旬屬大雅申畫寄名賢
平成紹禹績玄圭獻堯天參井與岷嶓星土元相連
應念滄浪叟好音還鴻傳

送張壚山職方還銅梁

佳亂

楊升菴文集

卷十五

三

郊扉偃江介炎天方鬱埃燕居感離索蝸廬森蒿萊
高人千里駕空谷跂音來研精旣理窟抽毫更逸才
玄韻紫房洞清吟文昌臺同聲起予和笑口爲君開
檣烏五兩發蘭鷁雙櫓催晤語擬傾蓋永懷勿酌壘
願言植嘉樹湛思肄條枚三載遲展齒七襄冀瓊瑰
續東坡狂雲妬佳月

狂雲妬佳月蜉蝣撼大樹佳月了不嗔大樹何曾拒
輕薄晒玉楊羣兒謗李杜光燄萬丈長江河千古注
勿言人可欺大言終自誤

懷音篇寄張惟信學士

張名潮

昆池望漢沼滇徼視梁岷音耗兩迢迢眺聽一傷神
他鄉非故園濁水限清塵怕脰徒佇想送軀邈何因
有客來天末開緘慰饑渴殷勤訪死生綢繆申契濶
光儀歛若親窮愁暫如撥萬里向炎隅五載困羈孤
山川夢張敏岐路泣揚朱燭龍屢遷舍胎蚌幾盈虛
情隨瘴嵐結竟與迴颺俱憶昔承嘉會弱植連英蒂
明輪仰重離麗澤資雙兌取則斧睨柯同聲竿混籟
曳珮步文昌抽毫逼華蓋鳳液接雞栖退食競招攜
黃山上林苑玄灞曲江堤齊鑣拾瑤草對榻然青藜
郢客傳歌妙周郎顧曲迷傳歌還顧曲懽移成別促

寧知嚶鳴鸞忽作徘徊鵠去去背榮宴行行赴嚴督
三陟阻且長百罹紛交屬考槃豈中阿離索異西河
躑頭輟彩筆鶴膝擁凋戈北道主人少南方遷客多
碧雞冠曾嶺赤虺隣荒景闔荆坐剗跡剪茅旋栖影
樵爨分獠烟桔槔通燹井鼓腹畏含沙延頸愁添瘦
梟獍笑邊陲篁竹跳蠻酋挈家窟草莽乘障裸兜鍪
乞糧公山氏貸粟監河侯蓬翹隨樹羽桃梗泛苔漚
風霜瘁筋力蒲柳凋顏色居夷寡鳳嬉求仙拙鷓息
衰白歲不與昏黃日下稷新知詎相聞久要難見君
皎皎共明月悠悠間白雲棄置勿復道伊誰竟此云

天山蘇子卿遼海崔亭伯缺望洛陽城銷志長安陌
跋驚羞驥伍委羽非鴻翻下巽饒薄田東臯餘廣澤
還鄉尚有期從君訪黃石

元謀縣歌

遙望元謀縣塚墓何纍纍借問何人墓官尸與吏骸
山川多瘴癘仕宦少生回三月春草青元謀不可行
九月草交頭元謀不可遊嗟爾營營子何爲歎來此
九州幸自寬何爲此遊盤

書李前渠藩伯公便面

望塵斗以北傾蓋江之陽命駕慰遲暮倚樓訊行藏

楊升菴文集

卷十五

四

下榻沉疴失擁篲端憂忘玉藻敷溫麗金薤披琳瑯
淪詩綴四始逸籀括三蒼荒經詢夏后汲冢懷周王
賡臯旣旦旦聆摯何洋洋維時首朱夏迅晷改青陽
欵言移日稷彥會屬辰良蒲葵聊短詠木桃愧申章

九月三日見新月

時有悼亡之感

纖纖初生月掛我高樓傍常時照歡影今夕流悲光
悲光正徘徊悵望相思臺涼露露襟溼爽透風幃開
絲垂繞階緝火螢穿箔來更添漏水咽膏滅缸花催
莊休歌不發潘仁心已摧商陵別鵠怨梁樹栖烏哀
未抵此時恨長歎獨難裁

西華恩遣戍滇紀行

商秋涼風發吹我出京華赭衣裹病體紅塵蔽行車
弱姪當門啼惟我不過家行行日已夕扁舟歛潞沙
揚舲天津口回瞻見牛斗風吹紫荊樹月照青陽柳
逆流泝漕河相顧慎風波荒村聚豺虎夾岸鳴蛟鼉
僕夫困牽挽防吏苦嗔呵徐沛洪流溢滄溟浴白日
聚落雞犬空銜鱸羽毛疾暗灘持楫防洄溜揚帆慄
維纜依鸛巢寒蓬遙鮫室乘月下呂梁侵星過白楊
漫岸慢失道孤舟鬱相忘喧阗見疊浪極眺無連岡
陰霞互興沒凍雨倏淋浪溼薪戒傳火空囊愁絕糧

楊升菴文集

卷十五

五

信宿萬籟平隣舟動歡聲聞雞共起舞買魚賀兼程
夕泊秦淮岸朝逗維揚城愁聽玉簫曲懶問瓊花名
畏途險已出勝地心猶驚真州對瓜步分岐當去住
翹思鍊甕雲悵望金陵樹江浮懼濤瀾陸走淹霜露
移舩鷺洲來弭榜龍江隈故人同載酒一醉雨花臺
高臺多古今百慮盈踈襟琴彈別鶴調笛喝飛鴻吟
臨風惜南鷺揆景恨西沉江程始挂席江月照采石
招搖西北明水霧東南碧銅陵夢裡過赭圻望中隔
潯陽見市廛溢浦異潮夕馬口歌獨漉魚山侯風宿
西塞漁父磯東陵道士泐估客歎浮萍放臣悲落木

秋驚赤岸楓霜謝黃州菊龜山漢陽縣鵠磯遙可見
披襟倚山閣開圖對離宴鮮飈蘋末來餘霞波外綯
枕底鳴飛湍舷際失江干仙子駐鶴巒王孫闔鴨聞
雲開君山出壑歸洞庭寬乾鵲噪危檣連連一何迅
試叩巴峽船果得家鄉信時序感孤懷風烟集雙鬢
江陵初解颿蒼皇理征衫家人從此別客淚不可緘
騰裝首滇路問愁程楚巖楚水縈沅澧楚岸秀蘭芷
古墓識昭丘遺坊號珠履珠坊青蕪繁昭丘白雲屯
傷心楓樹林回首桃花源天寒行旅少歲晏霜霞煩
界亭四十渡羸馬不成步幽篁詎見天密箒才分路

營窟半卉裳人烟盡檠瓠戾蟲嘯落景暴客當官戍
驅車先發响投驛遲暝霧淑浦涔陽連龍標夜郎天
遠遊吊屈子長流悲謫仙我行更迢逝千載同潛然
一葉崇安渡千波竹箭急鬼方昔云遐羅甸今初入
陰霾暄疑交瘴嵐昏曉集長亭此驛遙只尺如棘澁
石行蹶昆蹄沙吹咽蒸粒斷腸盤江河銷魂龍窠坡
軍堡鳴笳近蠻營荷戟多三辰晦光彩七旬歷滂沱
芻衣行風舞蘆笙跳月歌可憐異方樂令人玄鬢皤
烟霜窮瑣旅茝若開芳序迎睫平原來還顧殘山去
喜見青松林却辭黃茅嶼滔滔歲已周望望且夷猶

衣塵何暇拂足繭不能休碧雞儷金馬滇海昆池瀉
五尺常類道萬里唐蒙野隋將仆碑川漢相連營下
我行更向西綿力倦攀躋礮穿危磴蜻蛉控絕谿
點蒼明霽雪抱理飲晴霓蒲塞重關峻蘭津毒草低
枝寒鳩鳥下花煖杜鵑迷溯環賦射渚啜入象畊畦
瑩角髦牛鬪斑文箝馬嘶緬書奎貝葉燹照燧松梯
風景他鄉別天倪吾道拙雲山已亂心風塵仍結舌
出門各自媚失路爲誰悅桑落豈忘憂茫觸詎申結
龍吼雄劍鳴驥歌唾壺缺蒼蒼七星關幾時却東還
瀾瀾三峽水奚啻隔中址黃大代書郵青龍借歸舟

楊升菴文集

卷十五

七

鴈翼翔廖廓猿聲逝阻脩何由一縮地暫作錦江遊
出嘉陵江

嘉陵駛且長千里如投梭洋洋者綠水觸石揚白波
逶迤似有情相送出褒斜雲氣接江腦日色破浪花
冥冥下無極疑是神龍家垂藤飲猿狖澹淪棲陽阿
中有南行舟遙遙通三巴惜哉不可往巨石劇狼牙
我欲鏡安流手中無莫邪長歌行路難日莫猶天涯

嶠關行

晨行嶠關道此道一何難曾陵高不極脩坂回鬱盤
季冬十二月時節正嚴寒馬啼踐霜雪車轍帶岡巒

凌澌正豎洳河水無洗瀾通達結凍溜改徑陟噴
四望少烟火鳥路俯鴻盤悲風號古木響入玄雲端
居人盡塞向行者爲槃跚野狼嘯昏侶饑鴈短晚翰
迢迢村郭遠行行未解鞍凜凜歲方晏去去程猶寬
勞歌以詠志釋此越鄉歎

曲皇集弘法寺後圃小山
黃鳥語春晚青林生夏陰禪宮靜鍾梵寧知車馬音
率爾成嘉遇晤言良所欽對酒俯樓殿步履陟丘岑
謀野既有獲在遠亦會心懷哉幽寂地茲遊可重尋
擾擾望城闈欲去愧塵襟

陽升菴文集卷十五

於離會作

遙遙事行役落落無安居奉義徂江漢成旅候輶車
密親念睽隔賓筵集華裾流聲何肅穆照夜交瑛璵
率爾拜嘉貺何以報相於烟霜易淹留日月方向除
曲湟浮綠藻太液敷丹渠欲嗣北來音托之西上魚

玉溪云宛
曲有味

明新安吳勉學校梓

升菴先生文集卷第十六

從子有仁編輯

成都楊慎著

後學趙開美校正
高安陳邦瞻重校

五言古詩

江陽王藩校
內江蕭如松 全校

答程以道

驅馬國西門整駕城南端
出宿指賓館飲餞臨河干
中道逢嘉友誰云行路難
四海皆兄弟况是平生歡
贈我錦繡段佩之當衿鞶
上縷膠與漆下繪芝與蘭
芝蘭芳不歇膠漆情無殫
願為雙飛鳧隨君千里翰

楊升菴文集卷十六

王溪云可與
十九首並誦

西使將旋臥病移旬

江漢起秋色池塘生夕陰
蕭條衆芳斂啁啾候蟲吟
清光徘徊映圓景散空林
采芝歌不發鍊藥行相尋
隱囊廢丹帙對晁虛清琴
懷哉北望矚愴矣西飛心
端憂與雲結商聲隨風駸
晏然山中暮弱懷良難任

行旅

行旅苦日短勞人知路遙
忽忽歲云莫客心中搖搖
曠野饒寒氣四望但寂寥
嚴霜下豐草朔風鳴枯條
浮雲起為蓋堅冰結為橋
王溪云下句甚奇
又有上句絕彌 白日隱

餘照玄陰掩層霄鳴轂無停輪嘶馬不解鑣飛鳥多
知還征途何迢迢無以慰苦辛興言自感誼

過河內作

晨行河內道曠然清客心太行北麓近丹流東逝深
叢芳金碧岸總翠瑛瑤林蒲梢迤餘馥柿葉垂繁陰
在藻歸樂泳還喬聞好音客行雖云苦對此一開襟
既懷擊壤詠復動滄浪吟古風美樂土茲情驗於今

感秋

江漢流無極浮雲去靡依類此遠遊子乘障戍邊圻
故鄉三千里山川隔音徽日夕桀括栖涼秋熠燿飛
楊升菴文集卷十六
離索星霜改端憂節序違處者怨不詹行人式不微
焉得排雲翼遙隨征鴻歸

留別峩石李子雜用選句

美人仙李姿相期拾瑤草詎意旋嵐風吹我千里道
輕舟已迅邁歸信方浩渺所是同心者不得殊懷抱
隔江猶恨遙何況滇雲杪路遠夢魂迷思君令人老
願托上林鴻好音及春早

晨發高堯東丘月渚楊墨池

荒雞嗥西隣海霞射東壁又攜孤劍征去作點蒼客
高堯亦吾廬安寧亦予宅屏居三十年宛如故鄉陌

飛屣頻登臨披衣數晨夕別離今幾時重道感疇昔
兒童已長成賓從盡衰白聯榻情綢繆語慰衰瘠
此行擬何爲筋力疲疆場少城雲思紛江陽春夢積
一身四處家浮生白齡迫請爲勞者歌歌罷轉愁劇

西征夜

寒重旅衾單嘿對燈花謝亂山荒壘間獨客孤眠夜
寂寞與誰同尋思似夢中勞勞無止極去去忘西東
故鄉孟冬別有約仲冬返人願天不從長征日以遠
異縣多相知樽酒話心期含悲不能語淚爲生別滋

五日汎湖

楊升菴文集

卷十六

三

雞鳴海色動日出林霏開紅霞晃金碧赤帝騎龍來
新晴宜理棹兩佛遊仙臺榜歌聲流喝絲管清且諧
且須醉一斗以緩腸九回

南竄始發京

秋風蕭蕭發駟車出郭東問我今何適竄身向南中
南中萬餘里去去與誰同親交滿京國只尺難相通
且喜脫幽繫未暇悲道窮矯日盼浮雲但羨高飛鴻

江陵別內

同泛洞庭波獨上西陵渡孤棹泝寒流天涯歲將暮
此際話離情羈心忽自驚佳期在何許別恨轉難平

蕭條滇海曲相思隔寒燠蕙風悲搖心茵露愁沾足
山高瘴癘多鴻鴈少經過故園千萬里夜夜夢烟蘿

離思行

飛蓬無根株飄颻隨風起游子辭家鄉流落在萬里
當歌有苦調對酒無欣喜閉門愁緒集出門多荆杞
徬徨安所之斷腸分流水水流何潺湲遠遊幾時還

其二

南望蜻蛉道西眺渠濫川石子何磊磊水流何煎煎
山川隔宇縣仰視空雲烟鴻飛遠不到書迹何由傳
愁來坐自歎氣結不能言願假黃鵠羽輕舉隨風旋

楊升菴文集

卷十六

四

采蘭引

趙弘道憲副因余之此詩改聞名為蘭谷

山出廣通縣東響水關產蘭綠葉紫莖春華秋馥

蓋楚騷所稱紉佩之蘭也人家盆植如蒲萱

者蓋蘭之別種曰蓀與芷耳時川姜子見而

采之以贈予知九畹之受誣千載矣一旦而

雪作采蘭引

秋風衆草歇叢蘭揚其香綠葉與紫莖倚倚山之陽
結根不當戶無人自芬芳密林交翳翳鳴泉何湯湯
欲采往無路跼步愁褰裳美人馳目成要予以昏黃
山谷歲復晚脩佩為誰長采芳者何人蓀芷共升堂

徒令楚老惜坐使宣尼傷感此興中懷絃琴不成章

送陳德潤還茂州 二首

鍾鼓寧樂鷄文繡詎飾豨近隨扶搖翔何似搶榆飛
勞者恒思息遊者恒思歸達生貴止足君子當知幾
宦途類嬰網稅駕真解徽陽阿可晞髮高崗堪振衣
臺臺時過中戚戚何歔歎相期保耄齒逍遙敬良暉

又

井絡當坤維岷山出其腹神禹生茲鄉石紐何蔥鬱
採藥遺古亭讀書留往谷靈峰隱秘文名山藏仙蘇
薤尾翔飄鸞穗書昂立鵠瑞協宛委圖輝映岫嶮曲

楊升菴文集

卷十六

五

早慕子長遊晚滯周南躅煩君窈窕尋寄余琳瑯錄

雙節篇爲叅戎郭雲屏二母

周南標季蘭衛風詠栢舟淑聞播三族苦節傳千秋
郭門有雙節今古與同儔千金護強祿九原安松楸
保抱自黃口相依到白頭仍雲繼閔閔將星紹箕裘
天道豈無知世澤楚水流叢桂旣森森慈竹還脩脩
令伯陳情表惓惓思報劉聖代倚長城豈容歸林丘
不日絲與綸封章下冕旒我歌雙節篇石室他年收

寄余懋昭 名勳

夙昔夢見君攬衣顛倒裳繫君驂驢馬要我野遊翔

貽我金僊文合誦聲琅琅方舟青衣水共釣鯉與魴
晤言交款欸攜手何洋洋覺來一何見纍然在南荒
荒雞鳴東隣明月懸西方舉帷成起坐長嘯達晨光
因之萬里風慰言企來章上言寄主對衣書古恩狀
擬行行重行行意亦出詩遙涉長途悠悠愁我心我心愁未央睽離日以深
山高水無梁寄書多浮沉魚樂在故淵鹿鳴思長林
覺時影與身夢來稠與衾端居遲日月旦暮如今
孤願人詎知沉憂自難任君子不遐棄懷我以好音

擬青青河畔草

楊升菴文集

卷十六

六

河水清且漣河上多芳草春風二月時千里交河道
交河漢家營荒莽少人行日暮淒風起黃沙與雲平
雲間有孤鴈附書自鄉縣翩翩欲下來聞絃却驚散
草青鴈北飛草枯鴈南歸鴈飛有歸時征人無還期

庭中有奇樹

奇樹生南國孤根來遠方佳名誰不愛植近君子堂
春風一披拂花葉何煒煌上有寄生枝亦得沾恩光
桂枝陵寒山梧桐在高岡草木非自獻信美非所將

齊庭陳大呂荆國起巫音

雪宮繁鍾鼓朝雲進荒淫

續百六詩十五首

齊庭陳大呂荆國起巫音雪宮繁鍾鼓朝雲進荒淫

韶聲既已遠鳳鳥不復吟中和變貞則哀怨蕩人心
師曠奏清角晉壤飛祇禊曲工知炯戒燦言成良箴
樂象析理亂誰言古猶今

其二

伏飛佩寶劍涉江遇陽侯風濤起連山雙蛟夾行舟
舟人甘朽骨壯士故不憂解衣謝行侶拔劍探靈湫
刺蛟同剗蚓怒浪成安流名傳千載譽位取三珪酬
咄彼越王孫榜歌戟中流

其三

豫讓感知已之死無二心青華敦友義捐軀酬斷金

楊升菴文集

卷十六

七

煌煌彼二節照曜古與今國士有餘譽參乘無知音
何當續良史鴻筆興幽沉

其四

無恤管襄國詭遇樹崇動寶符吞中山銅斗揮代君
都邑曜錯繡戈鋌耿長雲天道如環運人事猶玦分
平原生茂草邯鄲起烟氛一爲房陵謳淒惻誰能聞

其五

許由輕九州歸休娛潁顏共伯棄千乘結隱巢首山
漁釣性自適軒冕憂相關澤雉苦樊籠神龍樂澤爨
何事子牟心猶存魏闕間

其六

大禹入裸邦纍然解衣行墨子見荆王錦衣吹玉笙
豈不易性素所重在全生栖栖非余志皎皎非余情
所愧先機者飄然反柴荆被褐懷珠玉何人知姓名

其七

墨子迴車地朝歌佳麗叢新臺既清酒淇水復春融
鏘如南子佩錦車同衛公隋珠光照日羅衣香從風
招搖過柳市繁華驚變童堦垣望復關桑中接上宮
咄哉贊好德後乘有蹲龍

其八

楊升菴文集

卷十六

八

周鼎鑄饗餐有首不見身食人未下咽災害旋相因
禍福互倚伏龍蛇有屈伸何事悠悠子狂冥若眯塵
感彼塞翁言宜用書君紳

其九

鄭國有良賈弦高與奚施西市黍離國東遇虎狼師
烏犍納犒質白璧通款辭乙丙已奪氣駭函成積尸
小邦得干城強敵亦何爲

其十

楚女競吳桑兩國遂交兵膏血潤百里寶玉棄連城
蟻穴潰金堤燭火漂山楹毫釐一爲跌尋丈忽已傾

山藥在疆場扞禦非于旌安得起宋就永息瓜亭爭
其十一

尺木既有節寸玉亦有瑕清螭游濁水玄澤晃星沙
小夫工指摘巧言多誼譁丘蚓蝻螿龍折楊笑皇華
不遇明哲人終然成歎嗟

其十二

隙陰審時運瓶冰知天寒行人在萬里道路多險難
放轍愁羊腸方舟畏狂瀾渺渺音問濶迢迢歲月殫
采綠動朝思葛生勞夕嘆願言托宵夢馳景隨飛翰

其十三

楊升菴文集

卷十六

九

齊后厭佛士甘與鮒鮓居狐咥行哭諫陳谷斲東閭
囚圉繫鸞鳳珎璜帶猿狙燕兵一旦至國象成剝廬
達生走奔綏觸子馳亡車遂令爽鳩樂鞠爲草莽墟
麋鹿游蘇臺不獨傷子胥

其十四

東方本彥士和光在塵喧竊桃朱鳥窻避世金馬門
狎俗猶鷗鳥齊物若鷄鷄虛彌羽人流空擬歲星魂
柱下自異曲滑稽豈同源惟應夏泰初千載契知言

其十五

葛藟縈膠木兔絲附女蘿天天二小草洪蔭仰巨柯

鄴邑美任姒湘渚詠英娥彤管久塵翳如津生洛河
青史傷人疑黃雲驚女訛緯書黃雲翔驛牛信可乘

良法在金科古律如婦乘牛狗部中

東望樓

男子志四方焉能守一丘壯遊輕萬里逸跡凌九州
撫時厭迫隘胡爲此淹留越鄉悲南冠騁望登東樓
遙樹小如薺連峯如波流穹谷無足音遠水無歸舟
眺聽何所見馳目空悠悠海曲歌五噫天末詠四愁
崇山自興惻曠野誰與儔焉得雲螭駕托乘從霄浮

碧對軒

楊升菴文集

卷十六

十

仲尼從鳳嬉子雲慕鴻飛興托寥天廓跡與名山依
伊子事執鞭夙齡脫馬鞵考室臨蒼莽開軒面翠微
碧雞栖靈景彩翬曜烟霏英岳聳升望晴巒引高睇
會心生遠意娛人留清輝玉露綴丹研璧月流金徽
息偃忘坐起晤言無是非柱下有遺言所貴知我希

學樊圃

南中詩卷五詠

夙尚丘園心憬彼逍遙樂幸從黑衣行得謝朱絲縛
鋤榛理荒疇薤葺蹇長薄抱甕代桔槔樹枳當籬落
春秋蒔韭菘陰陽分叢藿寒瓜織女薦雲實仙人削
紫莧春雨零綠葵晨露泊下箸有常期加餐無爽譜

厭酌賓進醴寧羨屠門醬聊爲野人謀毋論君子噓

辯義井

從子 有仁編輯

息壤海脉通幽壑泉華注浚發百尺靈沛澤千人聚
光爛九霞漿美吸三危露朝縷環村氓夕杓喧隣孺
碧甃自歲裂銀床謝雕鑄南中饒炎燠北陸無凝涸
漱盥冰齒寒存想玄髮駐蒙莊笑垵蛙義象占谷鮒
甘芳本易竭澄渫良難遇且從投轄飲休傷輻甍賦
悠然亭

蕭蕭者東籬莪莪者南山山色無遠近如在咫尺間
茅亭敞瀟灑蕘門恒反關朝見歸雲駛暮見飛鳥還

楊升菴文集卷十六

十一

飛鳥不可卽歸雲不可攀悵我窮荒謫再見籬菊班
列樹何丰茸流泉亦潺湲永日無氛翳地隙景自閒
時枉幽人侶暫解遊子顏清風已千載餘波及顏頰

明 新安吳勉學 校梓

息壤靈相壓幽壑泉華注浚發百尺靈沛澤千人聚

春秋辯義洪陰陽分義霍寒瓜緘女薦雲實仙人制

瓶傾香醴豔靈蕤報閉澗瀉爲漚人藉毋箭葦子與

升菴先生文集卷第十七

從子 有仁編輯

成都楊慎著

後學趙嗣美校正
高安陳邦瞻重校
江陽王藩臣
內江蕭如松 全校

五言古詩

擬古

上山采交藤下山逢老翁髮白顏轉少疑是古韓終
此翁何所居乃在深山中左右猿狖穴前後虎豹叢
風雲徑路絕人跡那能通問年不肯荅長嘯氣何雄
翩然輕舉去策杖如飛鴻

楊升菴文集

卷十七

大中丞百川張公招飲靜居寺十四韻

韶序屆仲春遲晷正駘蕩好音流睨睨時服改纖纈
英衮枉嘉招夙駕東園仗祗園敞靜居香燈護龍象
名言析秋毫陸海披珍藏稔歲華黍豐樂郊天絲颺
曲水跡非陳斜川圖可仰披霧吟沈寥謀野乘閑曠
晏粲倚文翁式過懷葛亮下走本陳人况愛容衰恙
芟製廁端旒塵容醉清醜信宿枉仙翰何以酬台睨
杲旭燭覆盆靈籟鳴塞巷永言詎能殫鏤膺矢無忘

言將北上述志一首荅蘇從仁恩王子衡

廷相

我辭承明直矯志青雲端銷聲絕車馬卧痾對林巒

甘此皁壤怡謝彼颺雷于晨夕詠鑿井春秋歌伐檀
奔曦豈不疾國火三改鑽遊子戀所生不獲常懷安
微尚何足云弱質良獨難衡門坐成遠塵冠行復彈
已負濩落性更從樗散官進阻巖廊議退抱江湖歎
曠哉宇宙內吾道何盤桓

送黃才伯

佐冊封藩府南渭

泛泛東行舟迢迢南渭流淪波還楚壤派別引丹丘
竹嶼臨湘烟楓門暎離日金節斗邊來青翰天上出
分珪剪桐底鳴珂衣錦鄉江干旋露蓋海曲卸雲裝
西岸蹇芙蓉東周折楊柳燕喜拜華堂鸞詎獻春酒
楊升菴文集卷十七

握蘭五夜直采蕭三秋期歧予飢渴想遲爾瓊樹枝

登大慧寺迢然臺是日杜鵑鳴于北都

驅馬出城闕置酒臨高臺高臺見百里坐望西山隈
雲氣何飄飄佗佛接蒿萊前有芳樹林清陰鬱徘徊
飛鳥遺之音宛轉悽以哀杜鵑非北羽誰遣從南來
常恐商飈發使我修蘭摧長歌行路難感激傷中懷
和余懋忠青衣別後追寄之作

抽簪畫江沙寫出腸斷詞遙寄百里人見君昨夜思
昨夜復今朝百里又千里歡遊坐成隔乖離從此始
乖離湫何許異國猶鄉土雲從青衣來月自峨眉吐

雲月兩悠悠光景爲君留因之托宵夢遠到海西頭

瓊音篇寄康對山

晨逢南州牧攜手滇之陰言從太白來貽我瓊黃音
題封五雲爛開緘雙鳳吟伊人先鳴者夙齡晏清襟
良史古班馬逸民今尚禽商泛欄宋玉芻委嗟師金
泝東青霞想澣西紫芳心戎旅未云返嵇駕何由尋
因聲萬里風調短情方深

書移
尚禽

贈張愈光詩三首

孔雀生南涪裴回紫蔚林文采旣彪炳與世亦殊音

楊升菴文集卷十七

三

時哉固多躋涼羅忽見尋羽毛琴以儷阿閣迥且深
一彈哀鸞唱再撫孤鷄吟荒塗不可踐爲君愁我心

又

迢迢禹氏山珠璧交晶英二六照梁乘三五連趙城
兩美必相合誰言容易并刖足傷卞孟按劍嗟枚生
子續艱征賦余和從軍行同心復同患日暮天末情

又

大雅淪千載正聲代以微鷹隼乏翰采雉暈無高飛
有鳥來西極羽羣實所稀風穴吸沆瀣天池濯毛衣
翮翮千仞翔郁郁九苞輝君才文苑鳳隼雉焉能希

梧枯醴泉竭日暮恒苦饑何時逢天老駕言玄扈歸
送終安人王氏墓恩波阡

石流何湔湔湟漭增其波天陰日易晚曠野悲風多
巖霜下喬木零雨泫柔柯蕭條我行野傷心悲如何
中道失嘉耦送此山之阿凜凜歲方宴誰與同歎歌
君看彼鳥雀各自安其窠

效古

朝遊巍峩宮暮墜晴嶒壑面笑背成歎春華秋已落
耳餘互侵陵田實相傾奪富貴生不仁榮華有銷鑠
何如商山翁茹芝詠莫莫冥鴻度遶陵樊籠豈栖託

楊升菴文集

卷十七

四

雙魚鋪

峒峒山上亭上有雙魚字回顧望新城欲將雙魚寄
泛泛東水流蘋藻相蒙翳釣竿何嫋嫋魚尾何曾麗
緘意付歸風日暮江之汜

華清月夕

華清月華滿清都玄景開玉霜竟宇下金波穿霄來
鴻濛澄寒霧繚垣靜氛埃邁湯何窈窕松嶺亦崔嵬
景滅集靈殿聲銷按歌臺繁華自當歇蕪沒誰興哀
清光有今夕欲去重徘徊

禹山二云平穩中奇

送曾東石

文鳥生岷山來翔十二樓覽德簫韶下長鳴向南州
翩翩慕儔者倦言不可留河梁一相送飄風吹方舟
山川隔光彩嘉會期三秋清商易終曲何以慰離愁
常恐麗澤遠索居多愆尤馳心如日月光彩隨南流
脫有歸飛翼因之問阻修

秋日雜詩二首

秋霖溢城闕后土何時乾周行無軌轍出入阻且艱
長安有一士華門晝長關開徑理蓬蒿荒我蕙與蘭
蕙蘭日將歇蓬蒿不可刪仰首向浮雲慨然增永嘆

又

楊升菴文集卷十七

五

羲和運天晷候蟲和歲陰昔爲莎雞羽今爲蟋蟀吟
感彼蕭條節動此棲遲心旅人在異鄉相思夢同衾
登臨一以眺但見丘與岑清冷含廣澤悲商印遙林
結軫還歸來當軒撫鳴琴幽蘭久不奏誰哉知此音

贈錢少容僉事

之子體英彥弱齡稱國華先名出藝苑發跡翼名家
澄清攬飛轡亨衢有高車儀鳳自覽德神羊本觸邪
當今爽鳩墟千載同其嘉翺翔屬宇縣音塵非天涯
離居欲有贈持此代疏麻勿言吏道迫坐令爾音遐

文具送徐用先歸嘉州

客有歸歎歎言從隱者流高議在青瑣吾道付滄洲
滄洲多故人夙昔諧幽賞嘯歌丹崖邊攜手紫霞上
壁津春水生波浪動江城岷嶺秋芳落清音蒲蘭若
亦知江湖憂不廢登臨樂迢迢結桂枝望望阻相思
殷勤三歲字惆悵四愁詩伊予慕儔侶睽離分晤語
何時峨眉雲來作人間雨

送王舜典知成都

新解郎官綬遙分太守符嚴程趨左蜀歸榜過東吳
王壘關雲淨青城嶺月孤乾坤回治象江海接亨衢
露冕仁風播隨車解澤濡滂流通暘壤生色到寒蕪
楊升菴文集卷十七

六

和方思道毛塢之什

毛塢之什棠陵方子所作也一曰出棘竹二
曰解藤杉三曰竈觚桐四曰榼中鯉升菴子
讀而愛之倚而和之改爲冉冉孤生竹裊裊
杉上藤情情竈觚桐育育榼中鯉如其章如
其句如其意如其聲

冉冉孤生竹遲此方苞月玉節本璘珣乎尹亦旁達
叢棘紛糾纏興言誰剪伐詩人執斧柯君子在林樾

朝看清陰成暮聽商飈發一歌猗蘭榮再占泰芽拔
不有栽培心曲直竟何掘

梟梟杉上藤翳此荒水濱蛇蚓一以結虬龍何申申
清風扇中壤溼露溥高旻奇樹既有華散木亦有身
歲寒異凋謝發生何齊勺匏瓜徒自係持此歎迷津
誰當貢衢室上與階冀倫

悄悄竈觚桐采自樵人塢徽軫不得薦樽櫨亦何補
况復近庖厨宮商委泥土哲匠秉清規知音慕中古
正聲歸雅琴俚耳羞簧鼓中郎不可見虎賁猶堪取
何時期幽尋淥水遊春渚

楊升菴文集

卷十七

七

育育楹中鯉本是充庖魚戢鱗隱文章駢首相沫濡
豫且下清泠元君夢玄夫品物雖異流共戚亦通娛
但取莊生樂那知子產愚放之悠然逝相忘於江湖
誰言爾爲爾自信吾忘吾

送嚴維中

北辭鳴鳳池南登歌鳳臺命儔嘯匹侶羽翼臨當垂
齡舡張且歛河水滌復洄靡靡君行邁悠悠予軫懷
離日汀洲下驚飈林葉頽分襟一爲別懸旌搖以摧
會合良不易臨岐重徘徊圭章多特達清角少喧厓
贈言無他勗聲儀望重來

送郭价甫

三首

洋洋北流水，搖搖南行舟。良友當遠邁，祖帳臨汀洲。
歎鴈恒易滿，別襟苦難留。形影邈千里，德音誰與酬。

又

德音無與酬，悵然興我思。人生非鹿豕，安得免爭離。
河洲有芳蘭，采之堪贈貽。猗猗揚馨香，千里同襟期。

又

襟期千里同，川塗兩都通。王道方砥年，高衢騁駿雄。
東賓問西主，南燕遣北鴻。音塵豈廖廓，端居有長風。

送盧師邵

名雍

楊升菴文集

卷十七

八

空谷滯躑步，石山枉佳招。長風自遠來，逸翮懷迥霄。
期我于浮城，投我以英瑾。我僕已整駕，我馬亦在鑣。
愁霖泥修途，江廣詎通舳。粵子睽昔約，伊人阻今朝。
良會虛高言，三遊絕孤標。神襟重悒悒，悵望倚逍遙。
佳期曠何許，碧雲生沈寥。願附同聲翼，因寄相思謠。

寄巖維中

美人在桂林，貽我金琅玕。高情與逸思，遙下青雲端。
相去萬餘里，黃鵠飛猶難。湘灘何悠悠，衡麓峭增盤。
擊汰浥清泚，振衣凌噴旻。奇觀洞前古，嘉藻留英翰。
壯遊輕路永，遠別驚年單。夢澤流漸解，鈴峰零露漙。

遵途返星駕會闕我雲冠伊子嬰夙疾塊然慕朋歡
愧彼桑蓬志甘此藜藿安懷書重端綺佩言芬如蘭
始願愛青華終期同歲寒酬德遂有述展歌情未殫

題赤壁圖

弘治辛酉年十四時作追錄于此

曹瞞下江陵江陵正危劇周郎美少年氣吞江漢窄
水戰得上流火攻非下策臥龍東略雄烏鵲南飛迫
妖氣掩黃星倒戈回紫陌鼎足已成形鬼蜮俄褫魄
王業聊偏安霸國何赫奕懷哉玉堂仙逸矣黃州客
文光貫斗牛天遊忘遷謫名姓識兒童畫圖燦金碧
赤壁幾千秋山青江月白

楊升菴文集

卷十七

九

寄袁立山

有美袁州袁無論柳州柳剛方唐介儔文藻坡仙後
道是三黜餘官仍一麾守雲瑞重輪困山立小培塿
賦別欲銷魂閱視那容口飛輓疲東征纛褻廢南畝
川滌斤伐枚水涸星在留竹馬遲細侯銅煎懷杜母
行春元有脚援溺豈無手橫目良可蘇淵衷期不負
汗清垂華勛軒冕復何有

亦岸山送別效謝靈運

茲山亘長江合沓氣象分朱壤凝炎德光輝灼頽雲
陽景有先曉陰霞遲餘曛朝暮多奇態草木含靈

既下鸞鶴侶亦在麋鹿群石床闕古蘚丹竈流烟漬
遊屐久蕪沒仙跡空塵氛曰予敦玄尚偕子挹清芬
東噍拾瑤草西呂采香芸行汎清水水坐睨峩眉雲
躑躅守甍徑罄歎何當聞

雨宿大寧館

晨櫛充國風夕沐巴嶠雨雲館枕攢峰江亭席回滸
空水相澄鮮林霏自吞吐天籟坐嘯吟烟蘿共飛舞
盼淙感躡蹄瞻喬憐滯羽懷哉喜霽吟倦爾愁霖苦
稜稜霜野鍾紉紉寒譙鼓惜無同懷人凍醪成獨撫

禺山云近
卅靈運

楊升菴文集

卷之十七

十

于後江鄉言辭友生

祇命向南瀆離群感西河英僚篤久要同聲鳴相和
廣筵開秩秩飛爵引僂僂披雲敷別藻揆日促淹珂
晨裝搖朔易夕駕極岷嶓旋軫陟馭原擊汰凌鴻波
流瀾玉輪汎杳靄青城阿丹誠薦蘊藻玄韻諧松蘿
臨睨自爲美契濶誰云過游鱗樂靜渚迅翼懷安柯
興彼緬焉情陳此勞者歌

玉溪云全篇
不減康樂

別用貞弟

征馬矯西首離琴揚南音懿親將遠別置酒坐華林
中量豈獨淺強飲不盡斟

玉溪云
甚情致

分手卽岐路千里

在寸陰習習東來風飄飄游子心山川脩且濶羈思
壯難任馳情天一涯結夢江之潯要我清商節聆子
吹箎吟

贈沐錦衣

仙山名五華迢迢上烟霞道逢兩仙童駐鶴問仙家
仙家住仙村木門蒼琅根英英衆公子楚楚諸王孫
合後有碧梧鳳皇將九雛鳴聲何啻啻聞我蓬萊壺
兄弟八九人中子執金吾木公酌醴泉金母斟雲腴
塤箎吟何曲歷歷種白榆大婦七襄女中婦重輪姝
小婦無名字彷彿秦羅敷丈人且安坐日出東南隅

楊升菴文集

卷之十七

十一

與張季文偶過虎丘次壁間韵

梵鍾百偈集客枕千念攢同人理舟楫尋僧陟林巒
遠公邀元亮靈徹訓韋丹且聽柔遠音稍蔚婆娑寒
命酒對嵇阮言詩偕卜端山阿藏鹿苑江汜臨鴻子
篁竹坐可嘯英菊饑當食作繭乃自縛將心與誰安
胥任傳說靡一咲許歷完

王粲詩許歷爲完
十二音猶散秦

狂思叫

北闕幸免尸東桓詎期豺虎籍復登鷄馬壇從公灑

語雪俾余回情瀾

漢書尹賞傳何所求
死于桓東少年場

明

新安

吳勉學

校梓

升菴先生文集卷第十七

